

公

羊

義

疏

皇清經解續編卷千二百三十二

南菁書院

公羊義疏四十四

句容陳立卓人著

宣元年
盡二年

春秋公羊經傳解詁宣公第六疏

校勘記云唐石經宣公第七

名接又作委文公子母敬贏諡法善問周達曰宣魯世家文
公長妃齊女哀姜生子惡及視次妃敬贏生子倭倭私事襄
仲襄仲殺子惡及視而立倭是為宣公徐廣曰倭一作倭何
氏以宣公為僖公妾子公羊敬贏作頃熊則楚女矣與史記
左傳並殊按新序七云魯宣公者文公之弟也劉向習穀梁
則穀梁亦以宣公為僖公子矣禮記檀弓云遇懿伯之忌敬
叔不入下云不可以叔父之私不將公事鄭注敬叔於昭穆
以懿伯為叔父考懿伯為孟獻子之子獻子為桓公子慶父
之曾孫自桓公至懿伯六世桓公生莊公莊公生僖公僖娶
頃熊生宣公及叔肸肸生嬰齊齊生叔老老生弓是為敬
子敬子即敬叔自桓公至敬叔七世懿伯正為其叔父是宣
公為僖公子明矣倭倭委古音同作接者恐是譌字孔疏引
世家云宣公名倭或作倭接今史記作倭
孔氏所見或即徐廣所見本無作接說

皇清經解續編

公羊義疏四十四

元年春王正月公即位

繼弒君不言即位此其言即位何其意也注桓公篡成君宜

公篡未踰年君嫌其義異故復發傳疏經義述聞云其意上

繼弒君不言即位此其言即位何其意也注如字桓元年傳

即位故如其意以著其惡是也若無如字則文意不明蓋寫

者脫去耳唐石經已然按王說是也注明云故復發傳明與

彼傳同也穀梁傳繼故而言即位與聞乎故也亦是重發傳

○注桓公至發傳○禮喪服臣為君斬衰三年為踰年君無

服故嫌篡成君與篡未踰年君異然雖未踰年君位已定臣

子之分義無所逃故罪之如一也故閔繼子般不書即位是

其正也通義云桓宣之罪相等而春秋不言宣無王者既於

桓示法則從同同可知故得以所聞之世殺其辭也義或然也

公子遂如齊逆女注議喪娶復書不親迎者嫌觸諱不成其文

也有母言如者緣內諱無貶公文疏通義云娶聖姜之黨知

之黨君母在則不敢不從服君母不在則不服此於服衛本

徒從也聖姜既薨故不以娶功總外屬譏矣○注議喪至文

也○舊疏云何氏以爲人君喪娶宜有貶刺之文若其吉逆使卿者宜書識之見不親迎而已卽叔孫僑如之徒是也今公子遂爲君喪娶宜去公子以見譏而存公子復作不親迎之經書之者正以公子遂本弑君之賊若去公子卽嫌爲觸弑君大惡之故諱去公子卽似隱四年十年公子翬之類是以不得成其貶文若然文二年公子遂如齊納幣亦譏喪娶之經而不去公子者彼是喪未畢納幣爲失禮猶淺此乃初喪逆女固當合貶卽下八年注云元年逆女嫌爲喪娶貶也者義亦通於此按此如隱二年書紀履緌來逆女同故止是議不親迎爾文公逆女在四年二年冬始納幣猶以其圖婚在三年內議之此則三月己逆女上尚有納采諸禮在前喪娶已明又不待貶絕而自見者也不必再去公子又恐觸諱仍不見其貶喪娶文也○注有母至公文○舊疏云下八年夫人熊氏薨又云葬我小君頃熊傳頃熊者何宣公之母也是其有母也舊疏云母不命使荀婦人之命不通四方何得言如作內使之文者正以緣內無貶公之文故也何者若其去如則嫌宣公喪娶爲絕賤不成爲諸侯然也正緣此事不得去如也若然莊二十八年臧孫辰告糴于齊不言如此事不嫌莊公不能貯蓄絕而賤之者彼告糴之事可以通臧孫之私行此大夫不稱母通使文故但書履緌來逆女而已此逆女紀伯有母不稱母通使文故但書履緌來逆女而已此與內大夫出聘文同言如皆是君使之文若絕去如則當書

公子遂逆女于齊嫌爲貶公喪娶矣故仍作常辭言如也親
梁傳注不譏喪娶者不待貶絕而罪惡自見桓三年傳曰逆
女親者也使大夫非止也皆用公羊家義左傳
注亦云不譏喪娶者不待貶責而自明也是也

三月遂以夫人婦姜至自齊

遂何以不稱公子一事而再見者卒名也注卒竟也竟但舉

名者省文疏左傳以爲尊夫人齊氏召南考證云逆女既書

而再見是也按成十四年叔孫僑如如齊逆女下云僑如以

夫人婦姜氏至自齊與此同穀梁以爲遂之挈由上致之成

十四年僑如同夫人何以不稱姜氏注據僑如以夫人婦姜

氏至自齊也經有姜不但問不稱氏者嫌據夫人氏欲使去

姜疏齊是也注經有至去姜以傳若但云夫人何以不

稱氏嫌據僖元年無夫人貶曷爲貶注據俱至也譏喪娶也

氏之喪至自齊爲難也疏穀梁傳曰其不言喪娶者公也則曷爲貶夫人注據師還

氏喪未畢略之也

也疏

注据師還也○見莊八年彼傳云還者何善辭也此滅

姓非師之罪故歸善於師歸惡於公此公喪娶是

公之罪非夫人而貶夫人與彼義違故据為難

公之道也

注明下無貶上之義內無貶于公之道則曷為貶

夫人

注据俱有諱義疏

注据俱有諱義○舊疏云春秋之道

乎貶之

夫人與公一體也

注恥辱與公共之夫人貶則公惡明

矣去氏比於去姜差輕可言故不諱貶夫人

疏

又云夫妻胖合也集韻胖合其半以成夫婦是也白虎通

嫁娶篇婦人學事舅姑不學事夫者示婦與夫一體也○注

恥辱至明矣○舊疏云正以夫人大與公共諡知榮辱同矣通

是也按哀姜罪重春秋以王法正之故魯臣子不得申其私
恩待以夫人禮貶去其氏以示絕故雖重亦不諱也與此不
諱有輕其稱婦何注據桓公夫人至不稱婦疏婦注據桓公至稱
重之殊其稱婦何注據桓公夫人至不稱婦疏婦注據桓公至稱
夫人姜氏至自有姑之辭也注有姑當以婦禮至無姑當以
齊不稱婦是也故分別言之言以者見行遂意也見繼重在遂因
遠別也月者公不親迎危錄之例也疏詩衛風氓云三歲為
義公羊稱婦有姑之辭傳以國君無父故云有姑其實婦亦
對舅故士昏禮云贊見婦于舅姑是也穀梁傳其曰婦緣姑
言之之辭也舊疏云隱二年傳云在塗稱婦與此違者兼二
義也言在途見夫而服從夫故謂之婦至國對姑而服從姑
是亦謂之婦矣注有姑至言之○有姑當以婦禮至文四
年逆婦姜于齊成十四年僑如以夫人婦姜氏至自齊及此
經是也無姑當以夫人禮至者桓三年夫人姜氏至自齊莊
二十四年夫人姜氏入是也婦姜亦上加夫人者舊疏云臣
下錄之是也以婦禮至者昏禮記士禮有贊明贊見婦于舅
姑又贊醴婦又婦盥饋又舅姑共饗婦以一獻之禮是也未
知諸侯夫人其禮若何以夫人禮至者則莊二十四年注云
禮夫人至大夫皆郊迎明日大夫宗婦皆見是也○注言以

至別也。○校勘記出見繼重在遂云。閔監毛本同按繼當讀為繫解云故言見繫重在遂桓十四年傳以者何行其意也注以己從人口行此言以故為行遂意也舊疏云遂以夫人者欲見夫人是時進止由遂故言見繫重在遂也因遠別者舊疏云若不言以直云遂夫人則嫌怪夫人男女無別故云因遠別也。○注月者至例也。○莊二十四年夏公如齊逆女是親迎書時也不親迎危錄之書月者此及桓三年九月夫人姜氏至自齊之屬是也。

夏季孫行父如齊

晉放其大夫胥甲父于衛

放之者何猶曰無去是云爾注是是衛疏

經傳釋詞曰云爾語已詞也隱元年

穀梁傳猶曰取之其母懷中而殺之云爾論語述而篇然則不知老之將至云爾無去是蓋猶言無即往是衛焉爾然則

何言爾近正也疏

通義云比于專殺猶似近正按謂此其為近乎以道事君不可則止之正

此其為

近正奈何古者大夫已去三年待放注古者刑不上大夫蓋

以為摘巢毀卵則鳳皇不翔刳胎焚夭則麒麟不至刑之則

恐誤刑賢者死者不可復生刑者不可復屬故有罪放之而
已所以尊賢者之類也三年者古者疑獄三年而後斷易曰
繫用徽纆寘於叢棘三歲不得囚是也白嫌有罪當誅故三
年不敢去疏喪服齊衰三月章爲舊君傳曰言其以道去君
三諫不從待放于郊得決乃去白虎通諫諍篇引援神契曰
三諫待放復三年盡惓惓也所以言放者臣爲君諱若言有
罪放之也所諫事已行者遂去不留凡待放者冀君用其言
耳事已行災咎將至無爲留之易曰介如石不終日貞吉論
語曰三曰不朝孔子行臣待放于郊君不絕其祿者示不欲
其去也道不合耳以其祿參分之二與之一留與其妻長子
使得祭其宗廟賜之環則反賜之決則去明君子重祿也王
度記曰反之以決其待放者亦與之物明有分士無分民也
詩曰逝將去女適彼樂土曲禮疏引王度記亦云大夫俟放
于郊三年得環則還得決乃去若然曲禮說大夫去國之
三月而復服注三月一時天氣變可以遂去矣與此不同者
蓋得決之後從郊至竟三月之內行素衣素裳諸禮也又喪
服齊衰三月也妻言與民同也長子言未去也是皆三年待

放于郊未仕他國長子在國主其祀故未去也按喪服齊衰三月章言爲舊君者有三一曰爲舊君君之母妻傳曰仕焉而已者也注謂老若有廢疾而致仕者故兼服君之母妻雷次宗所謂恩紀內結實異餘人是也二曰大夫在外其妻長子爲舊國君注在外待放已去者三曰舊君注大夫待放未去者又云以道去君謂三諫不從待放於郊未絕者言爵祿尙有列於朝出入尙有詔於國按後二條一是大夫自爲舊君服一是大夫之妻長子爲舊君服皆以禮待放君不絕其祿位不分已去未去言也江氏筠云去與未去皆服故經但言舊君而不言大夫之在外與在國蓋皆恩義未絕通典引石渠禮論戴聖謂大夫在外者三諫不從而去君不絕其祿位使其嫡子奉其宗廟是也若有罪見逐收其宗廟其妻長子亦不得留在本國矣孟子離婁篇述爲舊君反服云有故而去則君使人導之出疆又先於其所往去三年不反然後收其田里既云導之出疆是指已去國者其實待放未去而值君薨與已去而值君薨者皆服齊衰三月也○注古者至大夫○曲禮上篇文注不與賢者犯法其犯法則在八議輕重不在刑書是也彼疏引異義禮戴說刑不上大夫古周禮說土尸肆諸市大夫尸肆諸朝是大夫有刑謹案易曰鼎折足覆公餗其刑渥凶無刑不上大夫事從周禮說鄭駁之曰凡有爵者與王同族大夫去適甸師氏令人不見是以云刑不上大夫白虎通五刑篇刑不上大夫何尊大夫禮不下庶人

欲勉民使至於土故禮爲有知制刑爲無知說也庶人雖有千金之幣不得服刑不上大夫者據禮無大夫刑或曰撻笞之刑也○注蓋以至類也○史記孔子世家孔子既不得用子衛將西見趙簡子至于河間賈鳴犢舜華之死也孔子曰賈鳴犢舜華晉國之賢大夫也某聞之也刳胎殺夭則麒麟不至郊竭澤涸漁則蛟龍不合陰陽廢巢毀卵則鳳皇不翔何則君子諱傷其類也淮南本經訓刳胎殺夭麒麟不游陂巢毀卵鳳皇不翔校勘記出鳳凰云鄂本鳳作皇此加凡者俗字○注三年至敢去○校勘記出微墨云鄂本閩本同監毛本墨改繹疏並同此坎卦上六爻詞也舊疏引鄭氏注云繫拘也爻辰在巳巳爲蛇蛇之蟠屈如微繹也三五互體艮又與震同體艮爲門闕於木爲多節震之所爲有叢拘之類門闕之內有叢木多節之木是天子外朝左右九棘之象也外朝者所以詢事之處也左嘉石平罷民焉右肺石達窮民焉罷民邪惡之民也上六乘陽有邪惡之罪故縛約微墨實于叢棘而後公卿以下議之其害人者置之國土而施職事焉以明刑恥之能復者上罪三年而赦中罪二年而赦下罪一年而赦不得者不自思以得正道終不自改而出國土者我故凶是也然則繫于微繹以待議罪有三年二年一年之殊已恐陷於三歲不得故待至三年乃去也白虎通諫諍云所以必三年者臣下有大喪君三年不呼其門所以復君放君恩今已所言不合於禮義君欲罪之可得也義亦通君放

之非也注曰無去是非也大夫待放正也注聽君不去衛正

也疏舊疏云此二句皆是今事非古法按莊二十四年曹錕

義也三諫不從復任其放故曰非也大夫待放則上注之自

嫌有罪當誅故曰正也○注聽君至正也○校勘記云閩監

毛本同按衛蓋是字誤或當作古者臣有大喪則君三年不

呼其門注重奪孝子之恩也禮父母之喪三年不從政齊衰

大功之喪三月不從政故孔子曰夏后氏三年之喪既殯而

致事殷人既葬而致事周人卒哭而致事君子不奪人之親

亦不可奪親也疏白虎通喪服云臣下有大喪不呼其門者

者有親喪者不呼其門鹽鐵論未通篇古有大喪者居三年

不呼其門通其孝道遂其哀戚之心君子之所重而自盡者

其惟親喪乎後漢書陳忠傳臣聞之孝經始於愛親終於哀

戚上自天子下至庶人尊卑貴賤其義一也夫父母之於子

同氣異息一體而分三年乃免於懷抱先聖緣人情而著其

節制服二十五月是以春秋臣有大喪君三年不呼其門閩

子雖要經服事以赴公難退而致位以究私恩故稱君使之
非也臣行之禮也又云周室凌遲禮制衰廢蓼莪之人作詩
自傷是以蓼莪爲從軍之詩故大戴禮小辯注亦云困于兵
革之詩也蓋三家詩語又荀爽傳對策曰昔翟方進以身備
宰相不敢踰制至遭母憂三十六日而除夫失禮之源自上
而始古者大喪三年不呼其門所以崇國厚俗篤化之道也
繁露竹林云先王之制有大喪者三年不呼其門順其志之
不在事也書云高宗諒闇三年不言居喪之義也禮記喪服
四制云門內之制恩掩義以門內之治尚恩行私恩不得行
公義故三年不呼其門也○注重奪至恩也○通典引白虎
通云有喪不朝吉凶不相干不奪孝子之恩也然則臣有大
喪不與公役者有二一以重奪孝子之恩一以吉凶不相干
故也故白虎通喪服又云凶服不敢入公門者明尊朝廷吉
凶不相干故周官曰凶服不入公門是也○注禮父至從政
○禮記王制文按禮運云三年之喪與新有婚者期不使者
彼注云臣有喪昏當致事而歸然則期之後容有使役者蓋
國有大事期後役使自是一時權禮若其常則三年不從政
也又雜記云三年之喪祔而從政期之喪卒哭而從政九月
之喪既葬而從政小功祔之喪既殯而從政與此殊者注云
以王制言之此謂庶人也從政從爲政者教令謂給繇役正
義此庶人依士禮卒哭與既葬同三月故王制省文總云三
月也若大夫士父母之喪三年不從政正禮也卒哭金革之

事無避是排禮也舊疏云此政謂稅矣王制云從政自讀如
征稅之征故彼記上云八十者一子不從政云九十者其家不
從政云云下云將徙於諸侯三月不從政云云卽周禮旅師
所云新屯之治皆聽之使無征役謂復除不給徭役也故鄭
注周禮引王制解之此引以證臣有大喪君不呼門自謂大
夫士以上政當解如政事之政從爲政事與論語可使從政
也與之從政同當是斷章取義也○注故孔至親也○舊疏
云曾子問文引鄭注致事者還其職位於君是也校勘記出
周人卒哭而致事云今本曾子問無此文此與岳珂九經三
傳沿革例引興國本合段玉裁說按曾子問云子夏問曰三
年之喪卒哭金革之事無辟也禮與初有司與孔子曰夏后
氏三年之喪既殯而致事殷人既葬而致事記曰君子不奪
人之親亦不可奪親也此之謂乎鄭注云周卒哭而致事闕
監毛本周誤則禮記校勘記云殷人既葬而致事問監毛本
同石經同岳本同衛氏集說同嘉靖本同宋監本下有周人
卒哭而致事七字考文引足利本同段玉裁云公羊宣元年
注有周人卒哭而致事一句疏統謂曾子問文岳氏云興國
本禮記有周人卒哭而致事一句大書爲經文接此同公羊
注疏而與本疏不合又出周卒哭而致事云惠棟校宋本作
周岳本同考文引足利本同此本周誤則嘉靖本同衛氏集
說同補鐘校云按皇氏疏則周人卒哭致事是鄭君從夏殷
推而知之當是注文而孔氏云孔子既前答周人卒哭而致

事則又似屬經文而誤入注耳按皇氏疏云夏后氏尚質孝
子喪親恍惚君事不敢久留故既殯致事還君殷人漸文思
親彌深故既葬畢始致事還君周人極文悲哀至甚故卒哭
而致事知周卒哭致事者以喪之大事有三殯也葬也卒哭
也夏既殯殷既葬周代漸遠以此推之故知周卒哭也則皇
氏所據鄭注與孔氏不同但鄭氏解致事在殷人句下明鄭
氏所據本無周人卒哭而致事語故於注末申之云周卒哭
而致事也若元有此語誤入注中則致事注當在周人下或
在夏后句下方合公羊疏所見之旨子問本與興國本合不
必比而同之也卒哭者禮記雜記云十三月而葬是月而卒
哭大夫三月而葬五月而卒哭鄭注禮既夕云卒哭三虞之
後祭名始朝夕之間哀至則哭至此祭止也朝夕哭而已君
子不奪人之親亦不可奪親者鄭注二者恕也孝也己既思
親推己及人亦不奪其親是恕也孝子思親若不致事則是
忘親故今致事是不自奪其思親之心是孝也禮記問喪曰
凡見人無免經雖朝於君無免經唯公門有稅齊衰傳曰君
子不奪人之喪亦不可奪喪也注無免經經重也稅猶免也
有免齊衰謂不杖齊衰也於公門有奪齊衰則大功有免經
也然則杖齊期以上雖入公門哀亦不脫故引舊記以明之
言君子以己恕人不奪人喪使人喪使之免經而已亦不可
其喪所以己有重喪猶經以見君申己喪禮也惟其如此故
臣下在喪不人公門君亦不奪其清以免吉凶相干曲禮云

凶服不入已練可以弁冕注此說時衰正失非謂禮當然弁

禮所謂皮弁爵弁也皮弁武冠爵弁文冠夏曰收股曰爵周

曰弁加旛曰冕主所以入宗廟疏禮記檀弓曰父母之喪哭

絲或時為君服金革之事反必有祭又禮運云三年之喪期

不使是則期內不使故已練可使也而曾子問云卒哭服金

革之事無辟者彼記又云昔者魯公伯禽有為為之也是非

其正也通義云此權時之宜喪大記曰君既葬王政入于國

既卒哭而服王事大夫士既葬公政入于家既卒哭弁經帶

金革之事無辟也按鄭彼記注亦云權禮也何氏云此說時

衰政失非謂禮所當然者謂不獨金革服金革之事失禮即

既練而弁冕即事亦非正上注引云父母之喪三年不從政

是其正也鄭注喪大記又云弁經帶者變喪服而弁服輕可

以即事蓋弁經者弔服帶者要經自謂喪服明弔服加重也

注正失鄂本正作政當從之○注弁禮至文冠○白虎通統

冕云皮弁者何謂也所以法古至質冠名也弁之言攀也所

以攀持其髮也上古之時質先加服皮以鹿皮者取其文章

也戰伐田獵皆服之爵弁者周人宗廟士之冠也郊特牲曰

周弁士冠經曰周弁股夏收爵何以知指謂其色又乍言

爵弁乍但言弁周之冠色所以爵何為周向赤所以不純赤

但如爵頭何以本制冠者法天天色元者不失其實故周加
赤禮士冠禮皮弁服素積纁帶素鞶注皮弁者以白鹿皮爲
冠象上古也李如圭云古者以鳥獸之皮冒而句領皮弁象
之聶氏引舊圖云以鹿皮淺毛者爲之高尺二寸禮又云爵
弁服纁裳純衣緇帶鞶鞶注爵弁者冕之次其色赤而微黑
如爵頭然或謂之緇其布三十升賈疏云凡冕以末爲體長
尺六寸廣八寸積麻三十升布衣之上以元下以纁前後有
旒其爵弁制大同唯無旒又爲爵色爲異皮弁用之於田獵
戰伐爵弁用之於祭故曰皮弁武冠爵弁文冠也以皮弁爲
武冠蓋今文家說成二年傳衣服與頃公相似何注禮皮弁
以征彼疏云卽昭二十五年注皮弁以征不義是也引韓詩
傳亦有是語御覽引三禮圖皮弁春八月習犬射冠之行事
是今文詩春秋家皆然惟周禮司服云兵事韋弁服卽成十
六年左傳之韋章之跗注是也按字林云韋柔皮也皮韋同
類故同有皮弁之稱惟皮弁白色韋弁韋色爾或古只是皮
弁周文有皮弁韋弁之別與○注夏曰至宗廟○士冠記云
周弁殷爵夏收當作詩釋文作詩是也毛本同獨斷云冕周
曰爵弁殷曰爵夏曰收皆以三十升漆布爲設廣八寸長尺
二寸加爵冕其上周黑而赤如爵色前小後大殷黑而微白
前大後小夏純黑而赤前小後大皆有收以持筭古皆以布
中古以絲孔子曰麻冕禮也今也純儉冕冠垂旒周禮天子
冕前後垂延朱綠藻有十二旒公侯大夫各有差別三公九

諸侯卿大夫七組纓各如其綬之色郊天地祠宗廟祀明堂
則冠之禮記王制云有虞氏皇而祭深衣而養老夏后氏收
而祭燕衣而養老殷人冔而祭編衣而養老周人冕而祭元
衣而養老正以冕卽弁唯大夫以上得有冕士以下只弁耳
彼注云皇冕屬焉畫羽飾焉凡冕屬其服皆元上纁下有虞
氏十二章周九章夏殷未聞凡養老服皆其時與羣臣燕之
服其冠則牟追章甫委貌也諸侯以天子之燕服爲朝服王
者之後亦以燕服爲之是則收冔弁以正爲入祀宗廟之冠矣
故禮記雜記云大夫冕而祭于公弁而祭于己士弁而祭于
公皆謂爵弁也士冠禮注爵弁者冕之次也賈疏冕者倮也
低前一寸二分故得冕稱其爵弁則前後平故不得冕名也
周禮弁師掌王之五冕注延冕之覆在上任氏大椿弁服釋
例云爵弁旣以弁名則其狀當似弁不特弁下無旒及前後
延平異于冕也考釋名則其狀當似弁不合時也以爵韋爲
之爵弁以鹿皮爲之謂之皮弁兩手相合時也以爵韋爲之謂
則此三弁皆作合手狀矣其延下當上銳下圓文考後漢輿
服志冕制皆前圓後方則與下圓上銳者異疑爵弁與冕雖
同有上延而爵弁延下則爲合手之形與冕狀別然則夏殷
質用冔收以祭周弁制如冔收別加旒爲冕以爲祭服耳弁
非天子之祭服也吳氏延華儀禮疑義亦云據說文弁本作
兗象形或作弁又釋名弁延華儀禮正義云賈氏之說蓋本
皮弁制同胡氏培翬儀禮正義云賈氏之說蓋本漢禮器制

度吳氏以釋名說文較之似亦可從冠禮記注云弁名出於榮榮大也言所以自光大也尋名出於無幠覆也收言所以收斂髮也其制之異亦未聞史記五帝紀帝堯黃收純衣蓋夏以前通用收詩文王常服黼黻傳尋冠也江氏筠讀禮私記云爵弁既非冕制而與尋收連言者蓋冕飾至周始備尋收二者周制以弁例之如殷士祿將服尋周士祭於公用弁其一也又鄭本主誤王服金革之事注周人弁而葬亦其一也是也鄭本主誤王服金革之事注謂以兵事使之疏注謂以兵事使之○禮記中庸云社金革問曰三年之喪卒哭金革之事無辟者禮與孔子曰吾聞諸老聃曰昔者魯公伯禽有為之也今以三年之喪從其利者吾弗知也注伯禽周公之子封於魯有徐戎作難喪卒哭而征之急王事也又喪大記云君既葬王政人于國既卒哭而服王事大夫士既葬公政入于家既卒哭弁經帶金革之事無辟也注此權禮也弁經帶者變喪服而弔服輕可以即事也然則父母之喪三年內不服王事經禮也期練之後時有兵革之事不顧私恩權禮也若有急難雖卒哭之後亦當以國體為重留子問所記伯禽事是也喪大記疏引庾氏云謂此言君既葬王政使入國候卒哭乃身服王事前云君言王事謂言答所訪逮而已王政未入于國也庾氏因上記有既葬與人言言君言王事不言國事故分別之也君使

之非也注非古道也疏言非禮之正也臣行之禮也注臣順

君命亦禮也此與君放之非臣待君放正同故引同類相發

明疏注臣順至發明○通義云君呼其門則非國有兵事臣

作君此誤疏注臣順至發明○通義云君呼其門則非國有兵事臣

君使之非疏注臣順至發明○通義云君呼其門則非國有兵事臣

閔子注閔子騫以孝聞疏注閔子騫以孝聞○史記仲尼弟

歲孔子曰孝哉閔子騫疏注閔子騫以孝聞○史記仲尼弟

不問於其父母疏注閔子騫以孝聞○史記仲尼弟

首婦人除乎帶疏注閔子騫以孝聞○史記仲尼弟

乎帶男子何為除乎帶疏注閔子騫以孝聞○史記仲尼弟

人重帶除服者先重者易服者易輕者禮喪服注云麻在首

在要皆可經經之言實也明孝子有忠愛之心也首經象緇

布冠冠缺項要經象大帶閔子既練後服王事故首經除而

要經如故也喪大記云弁經帶金革之事無辟正義弁經謂

弔服帶謂喪服要經明雖弔服而有要經異凡弔也彼謂卒

畢言古者不敢斥君即近也疏注言古至斥君○通義云古

近也○禮記王制云必即天論注即就也必即天論言與天

意合閔子曰古之道不即人心正義閔子性孝以爲在喪從

我不即人情爲制此禮是古之所制故閔子嫌之爾雅釋詁

即尼也書疏引孫炎云即猶今也尼者近也郭注引尸子曰

悅尼而來遠是即尼近互爲訓也又曾子問云昔者魯公伯

禽有爲爲之也今以三年之喪從其利者吾弗知也正義云

伯禽卒哭徐戎作亂東郊不開故征之是有爲爲之也今則

更無所爲直貪從於利政取於人者吾不知也是以閔子屈

於君命要經服事既葬事之後知退而致仕注退身也致

不即人心退而致仕猶斯道也○禮記王制云七十致政

仕還祿位於君疏注致政還君事又明堂位云七年致政於

成王注致政以王事歸投之孟子公孫丑篇孟子致孔子蓋

爲臣而歸注辭齊卿而歸其室也是致有歸還之義孔子蓋

善之也注善其服事外得事君之義致仕內不失親親之恩

言古者又遜順不訕其君也不言君子者時賢者多以爲非

唯孔子以爲是疏舊疏云蓋猶是也言於此三事孔子皆善

爲古者後則退而致事是也按此蓋如蓋通乎下之蓋蓋猶皆也時賢蓋謂當時有責閔子要經服事者此賢者過之也有疑閔子退而致事者不肖者不及也孔子中庸之道故皆善之也遜順不訕其君表記所云事君欲諫不欲陳注陳言其過於外也故言古以飾之

公會齊侯于平州

疏

杜云平州齊地在泰山牟縣西大事表云州城在泰安府萊蕪縣西通義云不致者與惡桓同義桓之會皆不致宣之會唯於始見法而已所聞異辭所傳閔異辭

公子遂如齊

六月齊人取濟西田

外取邑不書此何以書

注據曹取之不書

疏○傷三十一

取濟西田傳惡乎取之取之曹也曷爲不言取之曹諱取同姓之田也此未有伐曹者則其言取之曹何晉侯執曹伯班其所取侵地于諸侯也晉侯執曹伯班其所取侵地于諸侯則何諱乎取同姓之田久也然則濟西田本魯有爲曹所取明矣曹取不書故據以難也通義云據伐而言圍者取邑所之辭按若如此據傳當云此未有言伐者其言取之何矣所

以賂齊也

注

魯所以賂遺齊故稱人其國辭

疏

穀梁傳內不言取授之也

以是為賂齊也左傳齊人取濟西之田為立公故以賂齊也

通義云非以師徒取故不從彼例直言取也杜亦云魯以賂

齊齊人不用師徒故曰取范云宣公弒立賂齊以自輔賂

之故書齊取較杜孔義為長○注故稱人其國辭○舊疏云

謂一人字齊魯其有何者魯人篡弒以地賂曷為賂齊**注**據

人齊人失所取篡者之賂皆合稱人故也曷為賂齊**注**據

上無戰伐無所謝**疏****注**據上臣所謝○舊疏云決哀七年秋

年夏齊人取譙及鄆傳外取邑不書此何以書所以賂齊也

曷為賂齊為以邾婁子益來也此上不見戰伐之文應無所

謝故為弒子赤之賂也**注**子赤齊外孫宣公篡弒之恐為齊

所誅為是賂之故諱使若齊自取之者亦因惡齊取篡者賂

當坐取邑未之齊坐者由律行言許受賂也川者惡內甚于

邾婁子益**疏****注**子赤齊外孫○文四年逆婦姜于齊子赤即

○校勘記浦鏜云由猶通十年**疏**引受賂作受財下十年齊

人歸我濟西田傳齊已取之矣其言我何言我者未絕于我

也。曷為未絕乎？我齊已取之矣，其實未之齊也。注：齊已言，許取之言，其人民貢賦向屬于魯，實未歸于齊，不言來者，明不從齊來，不當坐取邑是未之齊也。故解之由律行言，許受賂者九經古義云：按漢律有受賂之條，魯賂齊不當坐取邑。且未之齊而坐者，由齊聽請故也。漢律行言許受賂，亦得坐受賂之條，故舉以況之。唐律疏義職制云：諸有事以財行求，得枉法者，坐贓論，不枉法者，減二等。諸監臨主司受財而枉法者，一尺杖一百，一疋加一，一疋加一等，十五疋絞。不枉法者，一尺杖九十二疋，疋加一等，三十疋加一，加役流。按今律官吏聽許財物，雖未接受，事若枉者，准枉法論，不枉者，准不枉法論。各減受財一等。卽此也。魯當坐今律有事以財求行條也。○注：月者，至子益。○哀八年夏，齊人取讎及鄆，傳外取邑不書，此何以書？所以賂齊也。曷為賂齊？為以邾婁子益來也。注：邾婁齊與國，畏為齊所怒而賂之，恥甚，故諱使若齊白取然，蓋彼為伐國而賂齊，此為篡竊而賂齊，罪大於彼，故書月以惡之也。

秋邾婁子來朝

楚子鄢人侵陳遂侵宋

注：微者不得言遂，遂者楚子之遂也。不

從鄭人去遂者，兵尊者兼將疏。

校勘記：出楚子云，唐石經諸本同。鄢本作楚人，按此注云。

微者不得言遂遂者楚子之遂也知公羊經作楚人不然則注無爲如此解今作楚子者衍左穀二家誤○注微者至遂也○信二十五年楚人圍陳納頓子于頓傳何以不言遂兩稱耳明彼爲微者故不得言遂也但別兩耳以大夫無專制之義唯人君得行其遂故知此楚人爲楚子耳若然莊十九年公子結媵陳人之婦遂及齊侯宋公盟得言遂者以公子結聞齊宋欲謀伐魯矯君命而與之盟其事危急重大故與得遂也彼傳云大夫無遂事此其言遂何聘禮大夫受命不受辭出竟有可以安社稷利國家者則專之可也是也

晉趙盾帥師救陳

疏

左傳晉趙盾帥師救陳宋杜以爲經無宋

師侵宋趙盾欲救宋而楚師解去義或然也

宋公陳侯衛侯曹伯會晉師于斐林伐鄭

疏左氏穀梁作斐林

年魏世家索隱曰劉氏云林地名蓋春秋時鄭地之斐林在大梁之西北徐廣云在宛縣非也水經注潁水篇華水又東逕裴城即北林亭也春秋文公與鄭伯宴于裴林宣元年諸侯會于裴林以代鄭楚救鄭遇于北林服虔曰北林鄭南地也京相璠曰今滎陽苑陵縣有故林鄭在新鄭北故曰北林也余按林鄉故城在新鄭北東如北七十許里宛故城在東

南五十許里不得在新鄭北也京服之說並為誤也一統志
裴林在鄭州東南方輿紀要林鄉城在開封新鄭縣東二十
五里春秋
之裴林

此晉趙盾之師也注据上趙盾救陳微者不能會諸侯疏注

者至諸侯○舊疏云謂若是微者即不能為會主以致諸侯
于裴林而會之也按上文明云晉趙盾帥師救陳故云此晉
趙盾之師也 曷為不言趙盾之師注据公子遂會晉趙盾于衡雍

伊維戎盟再出名氏疏注据公至名氏○即文八年冬十月

西公子遂會伊維戎盟于暴是彼公子遂再君不會大夫之
出名氏故据以難此上出趙盾下稱師也

辭也注時諸侯為趙盾所會不與卑致尊故正之去大夫名

氏使若更有師也殊會地之者起諸侯為盾所會疏通義云

盟趙盾嘗以名氏見矣於此發傳者彼列序諸侯之下以臣
從君於義猶可此文若云宋公等會晉趙盾則是盾敵四
國之君故不可也○注時諸至師也○正以四國實為趙盾
所會若言會趙盾明盾為主是以卑致尊故去其名氏若非

趙盾然所以正君臣之分也定八年公會晉師于瓦杜云卿
不書禮不敵公是其義也○注殊會至所會○舊疏云言殊
會者正謂先序諸侯訖乃言會晉師是也所以不言宋公陳
侯衛侯曹伯帥師伐鄭而先言會晉師于麥林乃言伐鄭者
若以趙盾之師先在是致諸侯來會之然也故曰起諸侯為
盾所會耳按繁露隨本消息云譬如於文宣之際中國之君
五年之中五君殺以晉靈之行使一大夫立於麥林拱揖指
搗諸侯莫敢不出此猶隕之有汴也亦言諸侯為盾所會莫
敢不從春秋殊之所以
尊君抑臣不與其致也

冬晉趙穿帥師侵柳疏左氏穀梁作侵崇左氏釋文作密云本

書大傳云秋祀柳穀華山鄭注祭柳穀之氣于華山柳聚也
齊人語廣雅釋詁云崇聚也此必齊人讀崇為柳故其訓同
公羊崇作柳正齊人力音之轉按崇古音在東鍾柳古音在
蕭幽部二部間有通轉故尚書君奭其終出于不祥釋文終
馬本作崇隸釋載漢石經作其道于不詳文玉篇鰾直馨切
又直久切廣韻鰾徒紅切又直豕直柳二切鰾从同音而有
直柳切故漢地理志汝南郡鰾陽孟康曰鰾音紂也又育字
轉入平聲在蕭幽部而說文內部育从充省聲亦其證也吳
氏經說云春秋三傳多以聲近相借如歸鰾之為歸初包來
之為浮來曲池之為鰾蛇夫章之為夫鍾犀丘之為鄭丘為

師已皆是獨此傳以義同借鄭注尚書大傳及周禮皆云柳聚也酒誥其敢崇飲傳左傳崇卒也注亦皆云崇聚也按吳氏猶未知古韻之有通轉也

柳者何天子之邑也注天子之閒田也有大夫守之晉與大

夫忿爭侵之疏鹽鐵論論功云晉取郊浦王師敗于茅戎沛

鄭縣帝王世紀縣封崇伯國在豐鄙之閒周有崇國晉趙穿

侵崇按彼本左傳為說以崇為秦之與國宜在西周如公羊

義當在東周圻內或河北地近溫原者故得有晉大夫忿爭

事○注天子之閒田也○禮記王制云天子之縣內凡九十

三國名山大澤不以祿其餘以祿士以為閒田正義云其不

封公卿大夫及祿士之外並為閒田則周禮云公邑也畿外

閒田少畿內閒田多依周禮閒田自二百里之外以至五百

里其大夫則於三百里為采地卿則於四百里為采地公則

於五百里為采地故載師云以公邑之田任甸地以采邑之

田任稍地以小都之田任縣地以大都之田任甸地是也未

知殷制如何然則圻內自封國外皆為閒田其實邑也○注

有大至侵之○蓋如成十一年左傳載晉卻至與周爭鄆田

之曷為不繫乎周注据王師敗績于貿戎繫王疏注据王至

成元年王師敗績于貿戎是也注絕正其義使若兩國自相

伐疏注絕正其義○舊疏云謂絕柳不使繫之於王所以正

自敗不言晉敗之也其義皆與此相足

晉人宋人伐鄭疏穀梁傳伐鄭所以救宋也

二年春王二月壬子宋華元帥師及鄭公子歸生帥師戰于大

棘宋師敗績獲宋華元注復出宋者非獨惡華元明恥辱及

宋國疏包氏慎言云二月書壬子二月無壬子正月之十一

故也大棘北云在陳留襄邑縣南大事表云今歸德府睢州

西曲棘里有棘城又甯陵縣西南七里有大棘城亦與睢相

近水經注陰溝水篇云過水又東逕大棘城南故鄆之大棘

鄉也春秋宣二年宋華元與鄭公子歸生戰于大棘其地後

為楚所併故園稱曰大棘楚地有楚太子建墳伍員釣臺過

水又東逕安平故城北陳留風俗傳曰大棘鄉故安平縣也

郡國志陳留已吾有大棘鄉元和郡縣志已吾故城在甯陽

縣西南四十里一統志大棘城在歸德甯陵縣西南七十里

甯陵在睢州東大棘當在其間○注復出至宋國○通義云左傳曰鄭公子歸生受命于楚伐宋故使宋主之也獲華元再言宋者凡獲大夫皆繫國責其辱國之甚按曲禮云大夫死眾士死制注云死其所受於君眾謂軍師制謂君教令所便爲之華元不能死被獲明當絕也穀梁傳獲者不與之辭也言盡其眾以救其將也以三軍敵華元華元雖獲不病矣彼疏引何氏廢疾云書獲皆生獲也如欲不病華元當有變文鄭釋之曰將帥見獲師敗可知不當復書師敗績此兩書之者明宋師僅華元見獲皆竭力以救之無奈不勝敵耳華元有賢行得眾如是雖師敗身獲適明其美不傷賢行今兩書敗獲非變文如何劉氏申之曰公羊例大夫死生皆曰獲華元復見知其不死殺也將獲不言師敗績非春秋將帥並重之例謹以經文無所據也夫子云我戰則克惡賁軍之將與亡國之大夫及與爲後者豈有賢行得眾乎

秦師伐晉注秦稱師者閔其眾惡其將本秦之忿起穀之戰今

襄公繆公已死可以止矣而復伐晉惡其構怨結禍無已疏

注秦稱至無已○舊疏云正以文十二年秦伯使遂來聘始有大夫宜見將之名氏若其賁人宜稱人稱國而言師者正以閔其眾惡其將故也繁露竹林云春秋之所惡者不任德而任力驅民而殘賊之又云夫德不足以親近而又不足以

來遠而斷斷以戰伐爲之者此固春秋所甚疾已是秦殲師
之義也穀之戰見僖三十三年襄公穆公之死見文六年及
十八年

夏晉人宋人衛人陳人侵鄭

秋九月乙丑晉趙盾弑其君夷獯

疏包氏慎言云九月書乙丑

夷獯作夷皋王篇犬篇獯胡刀反犬呼也嗥也咆也或作嗥
周禮大祝云來瞽令皋舞注皋讀爲辛嗥呼之嗥嗥者皆
謂呼之入山海經北山經丹雘之山有龍焉其狀如鼠而兔
首獯其身其音如獯犬初學記引作嗥犬知獯嗥皋音義皆
通說文口部嗥咆也獯譚長說或从犬是也齊氏召南考證
云三傳俱言弑君者趙穿其實盾爲主使故亡不越竟侯其
事也反不討賊德其私也盾爲司馬昭而以穿爲成濟此董
狐所以直書而孔子因之以爲萬世弑君之戒如曰盾實無
罪以良史之深文遂成鐵案有是理哉靈公不君或趙氏粉
飾以欺後世未可知也况君卽不君臣可因以不臣哉然則
宣四年左傳稱君君無
道之說不可爲訓矣

冬十月乙亥天王崩

注匡王

疏

包氏慎言云十月書乙亥月之
八日○注匡王○下三年葬匡

也是

皇清經解續編卷千二百三十二終

昭文孫同康參校

子汝恭校字

皇清經解續編卷千二百三十三

南菁書院

公羊義疏四十五

句容陳立卓人著

宣三年
盡六年

三年春王正月郊牛之口傷改卜牛牛死乃不郊猶三望

其言之何注據食角不言之疏注據食角不言之○成七年

又食其角乃免注緩也注辭間容之故為緩不若食角急也別

牛是其事也天牲主以角書者譏宣公養牲不謹敬不絜清而災重事至

尊故詳錄其簡甚疏注辭間至急也○經傳釋詞云之言之

之為言之間辭詩則緩以足句春秋則緩以義故加之為

緩辭也通義云謹案穀梁傳曰之口緩辭也傷自牛作也洪

範五行傳曰思心之不睿是謂不聖厥咎霧厥罰恒風時則

有牛禍哀元年穀梁傳說此經云牛傷不言傷之者傷自牛

作也故其辭緩皆以對食角為急辭也楊疏引舊解范氏別

例云凡三十五范既總為例則言之者亦是緩辭也傳於執

公羊義疏四十五

衛侯云言之緩辭也其餘不發亦緩可知公喪在外逆之緩也衛侯之弟鱣蔡伯之弟鍼稱之者取其緩之得逃災敗大國稱之者取其大國同役而不急於軍事也殺奚齊稱之者緩於成君也考仲子言之者隱孫爲脩之緩也日食言之者不知之緩也則自餘並緩耳○注別天牲主以角○禮記王制云祭天地之牛角薦栗宗廟之角握賓客之角尺是主以角也○注書者至而災○鄂本作繫下同閭監毛本作潔俗絜字五行志下之上劉向以爲近牛禍也是時宣公與公子遂謀殺子赤而立又以喪娶區霭昏亂成於口幸有季文子得免於禍天猶惡之生則不饗其祀死則災播其廟董仲舒指略同何氏但議其養牲不謹失事至尊之道餘無說未知與劉董同否禮記禮運云魯之郊禘非禮也周公其衰矣注非猶失也魯之郊牛口傷鼯鼠食其角又有四卜郊不從是周公之道衰矣言子孫不能奉行興之意亦與何同○注主事至簡甚○繁露順命云孔子曰畏天命畏大人畏聖人之言其祭社稷宗廟山川鬼神不以其道無災無害至於祭天不享其卜不從使其牛口傷鼯鼠食其角或言食牛或言食而死或食而生或不食而自死或改卜而牛死或卜而食其角過有深淺薄厚而災有簡甚不可不察也猶郊之變因其災而之變應而無爲也見百事之變之所不知而自然者勝言與以此見其可畏專誅絕者其唯天乎臣弑君子弑父三十有餘諸其賤者則損以此觀之可畏者其唯天命大人

乎亡國五十有餘皆不事畏者也況不畏大人大人專謀之
君之滅者何日之有哉魯宣達聖人之言變古易常而災立
至聖人之言可不慎此三畏者異旨曷為不復卜注據定十
而同致故聖人同之俱言其可畏也

五年牛死改卜牛

疏注鼠食郊牛牛死改卜牛是也養牲養二

卜注二卜語在下

疏既郊特牲注云養牲必養二也正義郊天

一為帝牲一為稷牲皆得吉乃養也是二牲皆先卜也○帝
注二卜語在下○校勘記云此本監本下誤卜今訂正

牲不吉注帝皇天大帝在北辰之中主總領天地五帝羣神

也不吉者有災疏注帝皇至神也○齊氏召南考證云皇天

禮祀祀昊天上帝云冬至于圜丘所祀天皇帝周禮大宗伯
志云鉤陳口中一星曰天皇帝其神曰耀魄寶主御羣靈

執萬神圖是也御覽引五經通義云昊天上帝天皇大帝亦

曰太乙其佐曰五帝又周禮疏引元命包云太微為天庭五

帝以合時又云紫微宮為大帝又云天生大列為中宮大極

星星其一明者太乙常居也傍兩星距辰子位故為北辰以
起節度亦為紫微宮紫之言此宮之言中此宮之中天神圖

法陰陽開閉皆在此中王氏鳴盛尚書後案云按乾鑿度有
三言三言三言公羊義疏四十五

太乙九宮法鄭注云太乙北辰之神則太乙即北辰耀魄寶
亦即天皇大帝在北辰者其下行九宮則為青黃赤白黑五
帝其返而歸于太微則仍為太乙周禮大宗伯以蒼璧禮天
與下禮四方各別故鄭注云此禮天以冬至謂天皇大帝在
北極者也又云禮東方以立春謂蒼精之帝禮南方以立夏
謂赤精之帝禮西方以立秋謂白精之帝禮北方以立冬謂
黑精之帝又小宗伯云兆五帝于四郊注蒼曰靈威仰太昊
食焉赤曰赤熛怒炎帝食焉黃曰含樞紐黃帝食焉白曰白
招矩少昊食焉黑曰汁光紀顓頊食焉此所謂五帝也周禮
疏引文耀鉤有其文羣神蓋即大宗伯所記以實柴祀日月
星辰以下者焉皆天皇大帝總領之故周禮疏引文耀鉤又
云中宮大帝其北極星下一明者為大一之先合元氣以斗
布常是天皇大帝之號也又案爾雅云北極謂之北辰鄭注
云天皇北辰耀魄寶又云昊天上帝又名太乙帝君以其尊
大故有數名也一名皇天一名昊天一名上帝一名天一名
周禮疏引鄭注云皇天一名昊天一名上帝一名天一名上帝
上帝亦名皇天上帝一名昊天上帝一名昊天上帝一名昊天
書堯典欽若昊天上帝一名昊天上帝一名昊天上帝一名
皇天后帝是也此注宜為天皇大帝也舊疏云天地之內五帝
羣神則包有岳瀆等在內蓋雖地類地亦統於天焉○注不
吉者有災○此經之屬是郊特則振饗牲而卜之注先卜帝
牲疏若帝牛不吉或死傷是也則振饗牲而卜之注先卜帝

牲養之有災更引稷牲卜之以爲天牲養之凡當二卜爾復

不吉不復郊

疏廣雅釋言振援也一切經音義引字林云振

云振引也久選謝靈運還萬園詩質弱易振振注振繼猶牽
引也謂帝牲不吉則引稷牲當之也哀元年穀梁傳曰郊享
道也貴其時大其禮具養性雖小不備可也意雖稷牲合時
得禮用之可也○注先卜至卜爾○郊特牲云帝牛不吉以
爲稷牛疏爲猶用也謂用稷牛而爲帝牛蓋卽定十五年牛
死改卜牛之屬養牲之時已卜此改爲帝牲之時又卜故何
氏以爲凡帝牲在于滌三月**注**滌宮名養帝牲三牢之處也
當二卜也

謂之滌者取其蕩滌絜清三牢者各主一月取三月一時足

以充其天性

疏注牲宮至絜清○郊特牲云帝牛必在滌三

故周禮掌馬者謂之廋人繁露郊事對云帝牲在滌三月牲

貴肥潔而不貪其大也凡養牲之道務在肥潔而已駒犢未

能勝芻豢之食莫如令食其母便鄭氏郊特牲目錄云以其

記郊天用辟穢之養又注云犢者誠懇未有牝牡之情是亦

取其絜清之義也禮記曲禮云天子犢牛亦須在滌故祭義云
犧純毛也肥養於滌也其實天子犢牛亦須在滌故祭義云

天子諸侯必有養獸之官是也下云犧牷祭牲必於是取之
國語楚語云觀射父云大者牛必在滌三月小者羊豕不過
十日又禮器云三月繫七日戒三日宿愼之至也注繫牲于
牢也戒散齊也宿致齊也時有祭祀之事必先敬愼如此不
敢切也周禮充人云掌繫祭祀之牲牲祀五帝則繫于牢芻
之三月享先王亦如之是也○注三牢至天牲○舊疏云春
秋說文獨斷上云帝牲牢三月在外牢一月在中牢一月在
明牢一月謂近堂也三月一時已足肥矣徒之三月示其潔
也哀元年穀梁傳我以六月上甲始牷牲十月上甲始繫牲
十一月十二月牷雖有變不道也然則六月即牷牲養之三
月始繫于滌此三月之中又以三牢遞養皆取其繫也十一
月十二月牷雖有變不道為其可以改卜也故傳又云待正
月然後言於稷者唯具是視注視其身體具無災害而已不
牲之變也於稷者唯具是視注視其身體具無災害而已不
特養于滌宮所以降稷尊帝疏注視其至尊帝○郊特牲云
人鬼也注唯具遭時又選可用也正義云遭時謂帝牲遭災
之時既取稷牲而用之其祀稷之牲臨時選其可者通義云
謹案此謂既振稷牲為帝牲則可以隨索稷牲不暇繫牢若
其平吉無變雖稷牲固亦在滌矣正月迫郊而牲變猶得改
卜者正以養二之時此牲已在滌三月故月若牛死又卜則
不及在滌不可以事上帝故不復卜也按禮曲禮云大夫以

案牛注索牛得而用之蓋稷郊則曷為必祭稷注據郊者主

牛唯具亦即大夫之索牛也郊特牲郊之祭也迎長王者必

為祭天疏注據郊至祭天○郊特牲郊之祭也迎長王者必

以其祖配注祖謂后稷周之始祖姜嫄履大人迹所生配配

食也疏郊特牲云萬物本乎天人大本乎祖所以配上帝也郊

禘其祖之所自出而以其祖配之○注祖謂至所生○詩大

雅序生民尊祖也后稷生於姜嫄文武之功起于后稷故推

以配天也史記周本紀云后稷名棄其母有邠氏女曰姜原

姜原為帝嚳元妃姜原出野見巨人跡心忻悅欲踐之踐

之而身動如孕者居期而生子以為不祥棄之隘巷馬牛過

者皆避不踐徙置之林中適會山林多人遷之而棄渠中冰

上飛鳥以其翼覆薦之姜嫄以為神遂收養長之是其事也
詩疏引異義詩齊魯韓春秋公羊說聖人皆無父感天而生
左氏說聖人皆有父謹按堯典以親九族即堯母慶都感赤
龍而生堯堯安得有九族而親之議云唐五廟知不感天而
生駁曰元之聞也諸言感生得無父有父則不感生此皆偏
見之說也商頌曰天命元鳥降而生商謂娥簡吞黿子生契
是聖人感生見經之明文劉媪是漢太上皇之妻感赤龍而
生高祖是非有父感生者耶且夫蒲盧之氣姬桑蟲成為己

子憑乎天氣。人之精就而神之反不使子賢聖乎。是則然矣。又何多怪。禮記禮器云。必先有事于禋宮。注。先有事於禋宮。告后稷也。告之者。將以配天。先仁也。又明堂位云。祀帝于郊。配以后稷。天子之禮也。禮器疏云。孝經云。郊祀后稷以配天。喪服小記云。王者禘其祖之所自出。以其祖配之。周人出自稷。威仰則以后稷配靈威仰也。然則殷郊祀。汁光紀。夏郊祀。白招矩與。○注。配配食也。○荀子禮論云。故禮上事天下事。地尊先祖而隆君師。是禮之三本也。故王者天太祖。注。謂以配天也。太祖若周之后稷。按凡祀典言配。如句龍配祀社。棄配稷之屬。皆配食也。祭法注云。禘郊祖宗。謂祭祀以配食也。

王者則曷爲必以其祖配。

注 據方父事天

疏 天○獨斷云

父天母地。故稱天子御覽引

自內出者無匹不行。**注** 匹合也。

漢官儀。父天母地爲天下主。無所與會。合則不行。自外至者無主不止。**注** 必得主人乃止。

者天道闇昧。故推人道以接之。不以文王配者。重本尊始之

義也。故孝經曰。郊祀后稷以配天。宗祀文王於明堂以配上

帝。上帝五帝在太微之中。迭生子孫。更王天下。書改卜者善。

其應變得禮也

疏

注注必得至接之○毛本推誤惟喪服小記

則以祖配之自外至者無主不止疏外至者天神靈而生祭人

祖也故祭以人祖配天神也藝文類聚引白虎通云王者所

以祭天何緣事父以事天也祭天必以祖配自內出者無匹

不行自外至者無主不止故推其始祖配以賓主順天意也

又巡守篇云類祭以祖配不日接者尊無二禮尊尊之義通

義云此通論祭有配食之義自外至者謂天神地示若稷配

郊句龍配社是也自內出者則若祔祭新鬼必以昭穆之類

是也○注不以至上帝○孝經望治章文禮記大傳注引孝

經曰郊祀后稷以配天配靈威仰也宗祀文王於明堂以配

上帝汎配五帝也通典引鉤命決云郊祀后稷以配天地祭

天南郊就陽位祭地北郊就陰位后稷爲天地主文王爲五

帝宗祭法云周人禘饗而郊稷祖文王而宗武王注此禘謂

祭昊天於圓丘也祭上帝於南郊曰郊祭五帝五神於明堂

曰祖宗按鄭氏之義以郊與圓丘所祭帝不同圖上所祭者

天皇大帝郊所祭者三代各祭其所出何氏於下注云上帝

五帝在太微之中迭生子孫更王天下則與鄭氏同也明堂

之祭爲月令季秋大饗帝之祭鄭彼注言大饗者偏祭五帝

也又曲禮大饗不問下注祭五帝於明堂莫適卜也是明堂

大饗偏祭五天帝兼五人帝五人神以文武配之孝經主言

嚴父故但及文王也祭法疏引雜問志云祭五帝於明堂五

德之帝亦食焉又以文武配之祭法祖文王而宗武王此謂合祭於明堂是也孝經注用孔傳說以郊謂圉丘祀天非其注宗祀于明堂云明堂天子布政之宮也周公因祀五方上帝於明堂乃尊文王以配之蓋與何鄭同郊特牲云郊之祭也大報本反始也天爲物之本始祖爲王者之本始后稷爲始祖故推之配天不以文也○注上帝至天下○禮記大傳注凡大祭曰禘自由也大祭其先祖所由生謂郊祀天也王者之先祖皆感太微五帝之精以生蒼則靈威仰赤則赤熛怒黃則含樞紐白則白招矩黑則引河圖云慶都感赤龍而生郊祭之蓋特尊焉正義按師說引河圖云慶都感赤龍而生堯又云堯赤精舜黃禹白湯黑文王蒼又元命包云夏白帝之子殷黑帝之子周蒼帝之子是其王者皆感太微五帝之精而生也舊疏云此五帝者即靈威仰之屬言在太微宮內迭王天下即感精符云蒼帝之始二十八世滅蒼者翼也彼注云堯翼之星精在南方其色赤滅翼者斗注云舜斗之星精在中央其色黃滅斗者參注云禹參之星精在西方其色白滅參者虛注云湯虛之星精在北方其色黑滅虛者房注云文王房星之精在東方其色青五星之精是其義也禮記禮器云故魯人將有事于上帝注上帝周所郊祀之帝謂蒼帝靈威仰也魯以周公之故得郊祀上帝與周同又月令祈穀于上帝注上帝太微之帝也疏以爲春秋緯文太微爲天庭中有五帝座郊天各祭其所感帝殷祭汁光紀周祭靈威

仰也○注書改至禮也○鄂本無也字善其應變得禮即上帝性不吉則殺梁傳曰事之變也事變而處之得正也通義云亦得正也殺梁傳曰事之變也事變而處之得正也通義云屬天王崩而卜郊牛不為議者繁露說之曰春秋之義國有大喪止宗廟之祭而不止郊祭不敢以父母之喪廢事天地之禮也父母之喪至哀痛悲苦尚不敢廢郊也孰足以廢郊者故其在禮亦曰喪者不祭唯祭天馬越葬而行事按繁露語見郊祭篇又郊祀篇云郊祭最大也春秋譏喪祭不議喪郊郊不辟喪喪尚不辟況他物

葬匡王

疏舊疏云天子記崩不記葬今而書者正以去年十月

書葬此何以書不及時書過時書我有往者書此未滿七月所謂不及時書也

楚子伐賁渾戎

疏左氏作陸渾之戎穀梁作陸渾戎釋文賁渾

子伐陸渾之戎公羊作賁渾賁何以有六音曰此轉寫之譌本當為賁即古文睦字睦字从先光讀為六故睦亦有六音

大事表云在今河南府嵩縣即唐桓伯所謂惠公歸自秦而誘以來者僖二十二年秦晉遷陸渾之戎于伊川杜注陸渾

在秦晉西北二國誘而徙之遂從戎號至今為陸渾縣正義陸渾本是燉煌之地名徙之伊川復以陸渾為號也昭十七

年為晉荀吳所滅史記注引服虔云陸渾戎在雒西南也地理志宏農郡有陸渾下云春秋遷陸渾戎於此有闢此與姜別戎

夏楚人侵鄭

秋赤狄侵齊

疏大事表云狄自入春秋以來俱止書狄蓋舉北

役白狄見矣而以狄冠之白狄猶為之屬至是顯然分國為二其至通于中國加以赤字之號而白狄亦以八年偕晉伐秦自為盟會征伐不復就赤狄之役矣此匈奴分為南北單于之始也

宋師圍曹

冬十月丙戌鄭伯蘭卒

疏包氏慎言云十月無丙戌九月之二十五日十一月之二十六日也

葬鄭繆公

注葬不月者子未三年而弑故略之也疏注葬不月者

勘記云鄂本無也字此衍解云考諸善本皆無注然則有者衍字耳舊疏又云不月者與卒同月故也按有注者非也子未三年見弑者多從無去月見略之例此即隱三年傳所謂不及時而不日慢葬者何氏云慢薄不能以禮葬也定十三

年辭伯定卒注不日月者子無道當廢之而以爲後未至三年失眾見弑危社稷宗廟故略之也爲彼書辭弑其君此稱國以弑明失眾此鄭繆公子爲公子歸生弑之非失眾之文故於其卒也備書日月何略之有

四年春王正月公及齊侯平莒及郯莒人不肯公伐莒取向疏

說文邑郯郯東海縣帝少昊之後所封漢書地理志郯故國少昊後盈姓今山東沂州府郯城縣西南百里有故郯城一統志故郯國在沂州府郯城縣西南二十里與江南邳州接界向者杜云莒邑東海丞縣東南有向城蓋卽隱二年所入者詳彼疏

此平莒也其言不肯何注据取汶陽田不言蕞不肯疏注据取至

不肯○成二年取汶陽田三年叔孫僑如帥師圍蕞傳蕞者何汶陽之不服邑也其言圍之何不聽也注不蕞者叛也不言叛者爲內諱故辭取向也注爲公取向作辭也取行義爲書圍以起之是也

利故諱使若莒不肯起其平也聽公平伐取其邑以弱之者

愈也莒言及者明非莒不肯起其平也書齊侯者公不能獨

平也月者惡錄之疏注為公至愈也○校勘記云鄒本無起

讀故諱使若莒不肯聽公平為一句穀梁傳伐猶可取向甚

矣莒人辭不受治也伏莒義兵也取向非也乘義而為利也

說文討治也蓋魯本治莒郊不平因而取向以義始以利終

故諱為作辭若莒不肯遂伐取其邑以弱之然愈者愈於直

書取向惡殺也穀梁又曰不肯者可以肯也注凱曰君子不

念舊惡況為大國所和其非莒不肯可知○注莒言至平也

○舊疏云正以及是汲汲之意亦見直之意故如此解以經

不曰平莒郊而曰及是汲汲之意亦見直之意故如此解以經

起其平也○注書齊至平也○蓋魯力實不能獨平借助齊

侯故書之又見魯之因人取邑恥甚也○注月者惡錄之○

周禮典瑞云穀圭以和難注難仇讎和之者若春秋宣公及

齊平莒及郊是和難者正也取邑惡詞也舊疏云定十一年

冬及鄭平知平例不月此月故以為惡錄之按左傳云平國

以禮不以亂伐而不治亂也以亂平亂何治之有無治何以

行禮是并責其伐也舊疏又云若然定十年春王三月及齊

平而書月何氏云月者類谷之會齊侯欲執定公故不易是

也又昭七年春王正月暨齊平而書月何氏云月者刺內暨

暨也時魯方結婚於吳外慕強楚故不汲汲于齊也是也蓋

平例時書月皆各有所主當文解之故宣十五年宋

人及楚人平亦書夏五月注月者專平不易是也

秦伯稱卒

疏

通義云秦共公桓公皆在時卒例不蒙上月

夏六月乙酉鄭公子歸生弑其君夷

疏

包氏慎言云六月無乙酉五月之二十八日也

說苑復恩云楚人獻鼃於鄭靈公公子家見公子宋之食指動謂公子家曰我如是必嘗異味及食大夫鼃召公子宋而不與公子宋染指於鼎嘗之而出公怒欲殺之公子宋與公子家謀先遂弑靈公子夏曰春秋記君不君臣不臣父不父子不子者也此非一日之事也蓋本左傳為說錢氏大昕答問云鄭公子宋弑君而以歸生主惡者歸生正卿且嘗帥師敗華元矣力足以制子宋而從宋之逆較之趙盾又有甚焉不得託於本無逆謀也按下十年左傳鄭人討幽公之亂斬子家之棺而逐其族是鄭人固以子家主逆矣

赤狄侵齊

秋公如齊

公至自齊

冬楚子伐鄭

五年春公如齊

夏公至自齊

秋九月齊高固來逆子叔姬

疏左氏經無子字按下文齊高固及子叔姬來當從公穀有子字

在叔姬上通義云月者爲下卒也此子叔姬亦僖公之女宣公之母妹蓋僖季年所生

叔孫得臣卒

注不日者知公子遂欲弑君爲人臣知賊而不言

明當誅

疏卒無罪者曰有罪者月今此不日故解之後漢書

孔融傳春秋魯叔孫得臣卒以不發揚襄仲之罪既不書日用公羊義也通義云胡康侯曰仲遂如齊謀弑子赤叔孫得臣與之偕行在宣公固有援立之私其恩數豈略而不書曰是聖人削之也君臣父子如妾適庶人道之大倫也方仲遂往謀于齊而與得臣並使若憐然不知其謀或知之而不能救則將焉用彼相矣故特不書日以貶之

冬齊高固及子叔姬來

何言乎高固之來

注據當舉叔姬爲重大夫私事不當書疏

注据當至為重○舊疏云正以春秋尊內故也○注大夫至當書○禮記檀弓云古之大夫束脩之問不出竟內外大夫皆不得以私事書舊疏專以內大言叔姬之來而不言高固夫直錄其如為所據難向未備

之來則不可注禮大夫妻歲一歸宗叔姬屬嫁而與高固來

如但言叔姬來而不言高固來則魯負教戒重不可言故書

高固明失教戒重在固言及者猶公及夫人疏注禮大至歸

齊衰三月章大夫在外其妻長子為舊國君注大夫不娶

婦人歸宗往來猶民也此歸宗猶言歸甯爾與齊衰期立傳

婦人雖在外必有歸宗曰小宗之歸宗異惠氏士奇春秋說

云何氏說大夫妻歲一歸宗謂同國也如大夫娶于鄰國則

不可魯之子叔姬者齊大夫高固之妻也自齊來魯見譏于

春秋故知大夫之妻不得越國歸宗若此者所謂家之閑也

按莊二十七年莒慶來逆叔姬傳大夫越境逆女非禮也此

不言從可知故無大夫妻越竟歸宗禮何氏所舉謂大夫娶

於同國大夫之常禮爾若娶於諸侯當如諸侯夫人不得歸

甯詩疏引鄭志答趙商曰婦人有歸宗謂自其家之為宗者

大夫稱家言大夫如此耳王后夫人則不然也天子諸侯位

高恐其事恣淫亂是也○注叔姬至在固○正以叔姬於義

不得歸甯今違禮來魯明失教戒故歸重固爲魯殺恥以
婦人之道既嫁從夫故也通義云禮諸侯大夫嫁女有車馬
送之女留其車示不敢必安三月祭行然後大夫遣使反馬
今高固親來因與叔姬雙行歸甯失禮合譏故並書見之又
足起反馬之實若但舉子叔姬之嫌叔姬有失行不得成爲
婦甫嫁遽歸故不可也按反馬之法鄭氏箴之曰冠義云無大夫冠禮而
膏盲言禮無反馬之法鄭氏箴之曰冠義云無大夫冠禮而
有其昏禮則昏禮者天子諸侯大夫皆異也士昏禮云主人
爵弁纁裳纁衣乘墨車從車二乘婦車亦如之此婦車出於
夫家則士妻始嫁乘夫家之車也詩鵲巢云之君子歸百兩
御之又曰之子于歸百兩御之將送也國君之禮夫人始嫁
自乘其夫家之車也何彼穠矣篇云曷不肅雍王姬之車言
齊侯嫁女以其母王姬始嫁之車遠送之則天子諸侯嫁女
留其乘車可知也高固大夫也來反馬則大夫亦留其車也
禮雖散亡以詩義論之大夫以上其嫁皆有留車反馬之禮
留車妻之道也反馬壻之義也高固以秋九月來逆叔姬冬
來反馬則婦入三月祭行乃反馬禮也按推上禮以言大夫
以上婦人出嫁亦當乘其夫家之車男帥女女從男之義所
以重恥遠嫌也詩之百兩御百兩將自美其送迎之盛爾不
得據爲婦人自乘其車之證何知歸車不在百兩御之中乎
昏禮雖士禮如三月廟見諸節既同何所見婦車一節獨異
焉○注言及至夫人○僖十一年公及夫人姜氏會齊侯于

陽穀是也舊疏云公羊之義以為夫妻言及者遠別之稱刺其無別是以下注云言其雙行匹至似於鳥獸是也桓十八年公夫人姜氏遂如齊彼傳云公何以不言及夫人外也注若夫人已為公所絕外也子公羊子曰其

諸為其雙雙而俱至者與注言其雙行匹至似于鳥獸疏言注

其至鳥獸○舊疏云言其無別如雄狐綏綏故曰雙行游匹而來鶉鶉不異故言匹至似於鳥獸矣而舊說云雙雙之鳥

一身二首尾有雌雄隨便而偶常不離散故以喻焉非何氏義九經古義云大荒南經云南海之外赤水之西流沙之東

有獸左右有首名曰號踴有三青獸相并名曰雙雙郭璞曰言體合為一也公羊傳所謂雙雙而俱至者蓋謂此也爾雅

釋地云南方有比翼鳥焉不比不飛其名謂之曰鵲注似鳧青赤色一目一翼相得乃飛郝氏懿行義疏云西山經崇吾

之山有鳥焉其狀如鳧而一翼一目相得乃飛名曰蠻蠻郭注比翼鳥也色青赤不比不能飛爾雅作鵲鵲鳥也海外南

經比翼鳥在其東其為鳥青赤兩鳥比翼博物志比翼鳥一青一赤逸周書王會篇巴人以比翼鳥是鳥出西南方也公

羊宣五年疏引舊說雙雙之鳥一身二首尾即此類也按韓詩外傳南方有鳥名曰鵲比翼而飛不相得不能舉封禪書

西海致比翼之鳥韋昭曰各有一翼而不飛其名曰鵲郭氏比翼鳥讀曰鳥有鵲鵲似鳧青赤雖云一質氣同體隔

郭氏比翼鳥讀曰鳥有鵲鵲似鳧青赤雖云一質氣同體隔

公羊義疏四十五

十

延預離鳴翻能合關按如惠氏郝氏所引則鳥獸俱有名雙
雙者然細玩何義似止以高固叔姬雙行匹至有同以乾牡
雌雄爾不必拘拘以比翼鳥等喻之也惠氏士奇春秋說云
禮男女有別內外有閑宣五年冬齊高固及子叔姬來叔姬
歸甯高固反馬公羊以爲雙雙而俱來如鳥獸焉桓十八年
公與夫人逆如齊亦雙雙俱往君子謂魯桓失夫道矣闕雖
未嘗乘居而匹遊故詩人取之以爲有別雙雙而來雙雙而
往是無別也無別則亂亂則難生魯桓之見殺于齊也宜哉
按士昏禮云若不親迎則婦人三月然後壻見于妻之父
此高固親迎則不須三月親見妻之父母故議其雙雙而至
也昏禮疏引齊高固及子叔姬來禮婦人謂嫁曰歸明無大
家經書高固及子叔姬來故議乘行匹至也且大夫不娶
失禮之中又失禮焉劉氏逢祿箴膏肓評曰春秋之義大夫
不得外娶大夫尤不得從妻歸宗反馬之禮在國行之可也
鄭不揣其本矣劉氏猶牽涉左氏反馬說也

楚人伐鄭

六年春晉趙盾衛孫免侵陳

趙盾弑君此其復見何注据宋華督鄭歸生齊崔杼弑其君

後不復見疏通義云春秋託王者之事見誅賞之法故弑君
復見若已誅殺者然言逸討于一時而必討于春秋之王法
也雖不稱名氏以弑者其首惡亦絕不復見樂書是也豈遂
之復見從內諱弑故也甯喜里克之屬雖討不當罪要白以
弑君之故見執殺非以他事復見不得為難故獨發難於此
是也○注据宋至復見○桓二年宋督弑其君與夷上四年
鄭公子歸生弑其君夷襄二十五年齊崔杼弑其君光也是也
按傳据此三者華督至莊十二年始被殺歸生死於宣十年
崔杼死於襄二十七年皆未即死經不復見故据以難也舊
疏云春秋之內書名弑君後不復見者唯此三人耳餘見者
皆善義焉即桓三年公子翬如齊逆女宣元年公子遂如齊
逆女之屬欲見罪在桓宣故置遂得見閔二年公子慶父出
奔莒注慶父弑二君不當復見所以復見者起季子緩追逸
賊也隱四年衛人殺州吁于濮注書之者善之也然則善其
臣子得討其賊故書則莊九年齊人殺無知書者亦是討得
其賊善而書之莊十二年宋萬出奔陳注所以復見者重錄
彘禦之賊明當急誅之傳十年晉殺其大夫里克書者亦豈
遂之類故彼傳云局為不以討賊之辭言之惠公之大夫也
襄二十七年衛殺其大夫甯喜亦豈遂之類見其與獻公同
謀弑則是以前弑者該成于喜是也其下注云甯喜為衛侯弑
則不舉衍弑則者該成于喜是也其下注云甯喜為衛侯弑

下傳云不以其罪執之也注當坐執人亦是其得書之義文
十八年齊人弑其君商人昭十一年楚子虔誘蔡侯般殺之
子申皆書者商人之下注云商人弑君賊復見者與大夫異
齊人已君事之殺之當坐弑君昭十三年楚公子棄疾弑公
子比得書者亦是加弑親弑君者趙穿也注復見趙盾者欲
故也如趙盾之類矣
起親弑者趙穿非盾疏上二年左傳云乙丑趙穿攻靈公於
桃園注穿趙盾之從父昆弟子也疏
引晉語云趙衰趙夙之子也世本夙為衰祖穿為夙之曾孫世
為盾之從父昆弟之子也世本夙為衰祖穿為夙之曾孫世
本轉寫多謬其本未必然也史記晉世家亦曰盾昆弟將軍
趙穿襲殺靈公於桃園而迎趙盾○注復見至非盾○正以
存其文不沒其實也然史明云而迎趙盾故春親弑君者趙
秋以盾為首惡曰親弑君見其特行弑事爾
穿則曷為加之趙盾不討賊也疏繁露玉杯云春秋修本末
之志遂人道之極者也故君弑賊討則善而書其誅若莫
之討則君不書葬而賊不復見矣不書葬以為無臣子也賊
不復見以其宜滅絕也今趙盾弑君四年之後別牘復見非
春秋之常辭也學者異而問之曰是弑君何以復見猶曰賊
未討何以書葬何以書葬者不宜書葬也而書葬何以復見
者亦不宜復見也而復見二者同其不得不相若也盾之復

見直以赴問而辨不親弑非不當誅也則亦不得不謂悼公
之書葬直以赴問而辨不故弑非不當誅也若不得謂悼公
說亂矣豈可法哉故比貫而論是非雖難悉得其義一也今
誅盾無傳弗誅無傳不交無傳以比言之法論也無比而處
之誣辭也今視其比皆不當死何以誅之春秋赴問數百應
問數千同留經中幘援比類以發其端卒無妄言而得應於
傳者今使外賊不可誅故皆復見而問曰此復見何也言莫
妄於是何以得應乎故吾以其得應知其問之不妄知盾之
獄不可不察也夫名爲弑父而實免罪者已有之矣亦有名
爲弑君而罪不誅者逆而距之不苦徐而味之且吾語盾有
本詩云他人有心予忖度之此言物莫無鄰察視其外可以
見其內也今按盾辭號乎天苟內不誠安能如是故訓其終始無
弑之志挂惡謀者過在不遂去罪在不討賊而已臣之宜爲
君討賊也猶子之宜爲父嘗藥也子不嘗藥故加之弑父臣
不討賊故加之弑君其義一也所以示天下廢臣子之弑其
惡之大若此也故盾之不討賊爲弑君也與止之不嘗藥爲
弑父無以異盾不宜誅以此參之問者曰夫謂之弑而有不
誅其論難知非眾之所能見也故赦止之罪以傳明之盾不
誅無傳何也曰世亂義廢背上不臣篡弑覆君者多而有明
大惡之誅誰言其誅故晉趙盾楚公子比皆不誅之文而弗
爲傳弗欲明之心也問者曰人弑其君重卿在而不能討賊

非一國也靈公弑趙盾不在之與在惡有薄厚春秋責
在而不討賊者弗繫臣子爾也責不在而不討賊者乃加弑
焉何其責厚惡之薄薄惡之厚也曰春秋之道視人所感爲
立說以大明之今趙盾賢而不遂於理皆見其善莫知其罪
故因其所賢而加之大惡繫之重責使人湛思而自省悟以
反道曰吁君臣之大義父子之道乃至乎此此所由惡薄而
責之厚也他國不討賊者諸斗筭之民何足數哉弗繫人數
而已此所由惡厚而責薄也傳曰輕爲重重爲輕非是之謂
乎哉公子比嫌可以立趙盾嫌無臣許止嫌無子責春秋爲
人不知惡而怙行不備也是故重累責之以矯枉世而直之
矯者弗過其正弗能直知此而義畢矣通義云親弑君者趙
穿春秋舍穿而罪盾以爲穿之惡易見而盾之咎難知也所
謂視人所感爲立說以大明之者也然而與使復見則與親
弑者有間矣左氏說盾與許世子之事雖是而不知有賊不
討不書葬及弑君賊不復見之例一似春秋之誅盾止竟與
親弑者無殊且未知春秋之意方將因盾復見起不親弑之
述則穿之惡仍未得揜爾盾以文誅穿以實誅按漢書司馬
遷傳爲入臣子不通於春秋之義者必陷篡弑誅死之罪其
實皆以善爲之而不知其義被之空言不敢辭蘇林曰趙盾
不知討賊而盾弑何也以罪盾也曰於盾何以謂之不討賊注
見忠臣之至於許世子止見孝子之至

据皆去葬不加弑疏注据皆至加弑○校勘記云鄂本葬下

九年許世子止弑其君買下云葬許悼公傳賊未討何以書

葬不成于弑也曷為不成于弑止進藥而藥殺也止進藥而

藥殺則曷為加弑焉爾護子道之不盡也是以君子加弑焉

爾葬許悼公是君子之教止也然則加弑者雖不討賊亦書

葬明其非實弑也晉靈去葬則趙盾與親弑者同文既與親

弑者同則與加弑者異則盾即是賊傳又云不討賊故難之

也上二年穀梁疏趙盾與許止加弑是同而許君書葬晉靈

公不書葬者許止失嘗藥之罪輕故書葬以赦止趙盾不討

賊之罪重故不書晉侯葬明盾罪不可原也春晉史書賊曰

秋必加弑於此二人者所以見忠厚之至故也晉史書賊曰

晉趙盾弑其君夷獯疏上二年左傳宣子未出山而復太史

亦云盾復位晉太史董狐書曰趙盾弑其君以視於朝晉世家

傳史狐書賊曰趙盾弑公通義云此晉史斥言趙盾弑其君

而左氏記齊史亦斥言崔杼弑其君趙盾曰天乎無辜注辜罪

君可知內諱弑者為春秋新意矣趙盾曰天乎無辜注辜罪

也呼天告冤疏注辜罪至告冤○詩小雅正月民之無辜箋

雅釋詁云辜罪也說文辛部辜辜也穀梁傳盾曰天乎天乎

子無罪晉世家盾曰弑者趙穿我無罪人窮則反本急則呼

天穀梁注告天言無弑君之罪故吾不弑君誰謂吾弑君者
曰克也舊疏云克謂冤枉之冤也
平疏穀梁傳孰爲盾而忍弑其君者乎注迴已易他誰作盾
釋詞云家大人曰爲猶謂也孟子而子爲我願之乎言子謂
我願之也穀梁傳孰謂盾而忍弑其君者乎公羊曰誰謂吾
弑君者乎是其證是此史曰爾爲仁爲義人弑爾君而復國
傳之謂卽穀梁之爲也
不討賊此非弑君如何注復反也趙盾不能復應者明義之
所責不可辭疏校勘記出如何云唐言經鄂本同閩監毛本
傳歃如忘服虔曰如而也莊七年經至阻如雨劉歆曰如而
也是也左傳記太史對曰子爲正卿而亡不越竟反不討賊非
子而誰穀梁世家太史曰子爲正卿而亡不越竟反不討賊非
子而誰穀梁傳史孤曰子爲正卿而亡不越竟反不討賊非
反不討賊則志同則書重非子而誰故書之曰晉趙盾
弑其君夷臯者趙盾在下也通義云爲仁而爲仁也爲義外爲
義也錢氏大昕答問曰趙穿弑君而以趙盾主惡名穿之弑
由於盾也胥甲父與穿同罪盾於甲父則放之於穿不惟不
放且使之帥師侵崇盾尙得辭其罪乎侵崇小事不必書而
書之所以正盾之罪且不使穿得漏網也○注復反也○詩

小雅黃鳥復我邦族箋云復反也又我行其野云言歸思復傳復反也爾雅釋言復返也○注趙盾至可辭○左傳宣子曰烏乎我之懷矣自詒伊戚其我之謂矣孔子曰蚩蚩古之民史也書法不隱趙宣子古之良大夫也為法受惡惜也越竟乃免按越竟乃免非聖人語盾之罪不在亡不越竟在反不討賊即越竟矣而反不討賊弑君之名仍無所逃謂不知情其誰信之杜云越竟則君臣之義趙盾之復國奈何靈公絕可以不討賊此蔑倫害義之語也

為無道使諸大夫皆內朝注禮公族朝於內朝親親也雖有貴者以齒明父子也外朝以官體異姓也宗廟之中以爵為位崇德也宗人授事以官尊賢也升餞受爵以上嗣尊祖之

道也喪紀以服之精粗為序不奪人之親也疏注禮公至親也○禮記文

王世子文彼文親親作內親升餞作登餞精粗作輕重無之字容所見本異也校勘記出雖有富貴者以齒云鄒本無富字此衍按文王世子無富字又出升餞云閔監毛本同鄒本餞誤按此本誤酸今訂正文王世子升作登又出精粗云鄒本相作羶按疏中引注作物按荀子大略篇吉事尚尊喪事尚親注吉事朝廷列位也喪事以親者為主禮記日以服之

精粗爲序也是楊倞所見本亦作麤文王世子疏引皇氏云
喪服以麤爲精故鄭注雜記云臣爲君三升半微細焉則屬
於麤是知斬爲精齊爲粗也內朝者通義云不於法朝之處
也按內朝卽路門內之燕朝也鄭注內朝路寢庭君之視內
朝也有四一爲與宗人審嘉事文王世子所記是也一爲燕
羣臣燕禮所載是也一爲與臣子議政事一爲與四方之賓
燕燕古者視朝之儀君先出路門立於治朝之宇徧揖羣臣
則朝禮畢玉藻所謂君日出而視之是也隨卽適路寢聽政
若有議論卽於內朝太宰所謂贊聽治者也靈公使諸大夫
逕就內朝亦尋常視事之處不爲無道靈公之不召謂臺上
彈人支解宰夫等也彼記云內朝則東面北上臣有貴者以
齒爲以父子昭穆爲序故爲明父子鄭注謂以宗族事會是
也又云其在外朝則以官司士爲之內有異姓不得以私恩
故云體異姓也鄭云體猶連結也又云云其在宗廟之中則如
外朝之位與彼同故云崇德也鄭云崇高也是也又云宗人
授事以爵以官貴賤異位官各有掌故爲尊賢也鄭云官各
有能是也又云其登饌獻受爵則以上嗣上嗣君之適長子
故爲尊祖之道也鄭云上嗣祖之正統是也又云其公大事
則以其喪服之精粗爲序上云事下云紀故鄭云紀猶事也
本輕者爲下本重者爲上不計爵位齒德是爲不奪人親也
注解內朝連及之明內然後處乎臺上引彈而彈之已趨而
朝非苟爲笑樂所在也

辟丸注己已請大夫也疏左傳云晉靈公不君厚斂以雕牆

家靈公壯侈厚斂以雕牆從臺上彈人而觀其辟丸也晉世

靈公朝諸大夫而暴彈之觀其辟丸也廣雅釋言彈拚也說

文丸圓傾側而轉者玉篇彈行丸也吳越春秋彈生於古之

孝子孝子不忍父母為禽獸所食故作彈以守之李尤彈銘

昔之造彈起意茲木以彈為矢合竹為樸廣韻彈射也元和

志晉靈公臺在絳州正平縣西北三十一里按如此傳似在

內朝側釋文已趨趨赴也赴所至也是樂而已矣注以是為笑

容云疾行曰趨趨赴也赴所至也是樂而已矣注以是為笑

樂疏高誘注呂覽云從高臺上引彈觀其走而避丸以為樂

樂疏也繁露仁義法云昔者晉靈公殺膳宰以淑飲食彈大

夫以嬉其意非不厚自愛也然而不得為淑人者不過二十已

通義云謹案左傳戰于令狐靈猶在抱則是時不過二十已

下跡其所為乃昌邑東昏之類良由少席寵靈未聞教戒藉

六位勢儕彼童心至於殺人以為笑樂古者成王幼而莅阼

周公輔之內有師保之訓抗法之教外有司過之史虧膳之

不愼其選諭教無術陷之於惡已則避禍而趙盾已朝而出

委君于死誰執其咎矣按孔氏此論嚴而正趙盾已朝而出

與諸大夫立於朝有人荷舂注荷負也舂草器若今市所量

穀者是也齊人謂之鍾疏本注荷負也○釋文傳注俱作何云
重任辭注荷負也小爾雅廣言荷擔也左傳東京賦荷天下之
克負荷注荷擔也○注畚草至之鍾○公羊問答云說文畚
部畚蒲器餅屬所以盛種穰訓不同當何從曰周禮挈壺氏
挈畚以令種鄭注畚所以盛糧今本作盛穰之器故以畚表稟左傳正義
引說文蒲器可以盛糧今本作盛穰之器故以畚表稟左傳正義
樹注畚土籠也左傳襄九年陳畚揭注畚糞籠也又宣十一
年稱畚築注畚盛土器蓋皆以草或蒲爲之可以盛土可以
盛穀故左傳注云畚以草索爲之其器可以盛糧周禮挈壺氏鄭
傳置諸畚注畚以草索爲之其器可以盛糧周禮挈壺氏鄭
司農注亦云畚所以盛糧然則說文云畚謝屬蒲器也所以
盛糧爲盛糧之譌矣許君所謂蒲器是編蒲柳以爲器可以
盛糧如今俗所謂笆也字書無笆疑卽畚之聲轉麥雲謂畚
爲蒲草之器漢世或然字從畚在之畚當是瓦器古量穀用
六斛四斗之鍾亦是瓦器故齊人謂畚爲鍾舊疏云齊人謂
之鍾卽昭三年齊舊四量豆區釜鍾是也按六斛四斗之具
只可以盛不可以量種卽五穀總稱不必依左疏改爲糧如
畚爲瓦器必如左傳十釜之鍾之大亦非一二所能荷也蓋
畚者量穀之物或草或蒲或瓦皆可各隨方俗所宜其所容
若干亦不必一定亦無定名以爲自閉而出者注宮中之門
畚可以爲賣可以爲土籠可也

謂之闔其小者謂之闔從內朝出立于外朝見出闔者知外

朝在闔外內朝在闔內可知疏注宮中奎之闔○兩雅釋宮

引孫注亦云闔者宮中相通小門也郭注謂相通小門也舊疏

疏引李注云皆門戶小大之異說文門部闔宮中之門也周

禮保氏注闔宮中之巷門左氏閔二年傳賊公于武闔注宮

中小門謂之闔也周禮匠人注廟中之門謂之闔亦謂廟旁

之門婦人出入故禮士冠禮注婦人入廟由闔門也按雅訓

言宮中則廟與寢皆有之士虞記注云閨門如今東西掖門

賈疏漢時宮中掖門在東西若人左右掖故舉以為況然則

寢門外別有東西二門左傳哀十四年齊子我屬徒攻闔與

大門似闔亦可通於外非僅宮中相通小門謂之闔也蓋凡

宮寢之別門皆可謂之闔其小者謂之闔說文門部又云閨

持立之戶上圓下方有似圭按儒行云筆門圭寄注圭寄門

旁寄也穿牆為之如圭矣是閨即取圭義言其小也下云入

其大門入其閨是闔為小門矣○注從內至可知○國語魯

語公父文伯之母謂季康子曰自卿以下合官職于外朝合

家事于內朝又曰夫外朝子將業君之官職焉內朝子將庀

季氏之政也韋注外朝君之公朝內朝家朝也考工記曰外

有九室九卿朝焉鄭注外朝路門之表也九室如今朝堂諸曹

治事處賈疏九卿之九室東門外正朝之左右為之然則韋

公羊義疏四十五

氏所謂君之公朝者蓋卽正朝兩旁之室諸侯大夫則在治朝之兩旁也爲諸臣治事之處故玉藻云朝辨色始入君日出而視之退適路寢聽政使人視大夫大夫退然後適小寢釋服明諸臣每日朝於治朝旣畢君退路寢諸臣各聽事于兩旁之朝俟諸臣聽事畢退乃還小寢容諸臣有面陳之事故也此趙盾所立於外朝者當卽此朝但何君以閨門分內外見荷畚者遠從閨出不必趙盾曰彼何也夫畚曷爲出乎閨門定在外朝內內朝外也

閨注彼何者始怪何等物之辭孰視知其爲畚乃言夫畚者賤器何故乃出尊者之閨乎呼之不至**注**怪而呼欲問之疏

注怪而呼欲問之○校勘記云毛本怪作惟俗字曰子大夫也欲視之則就而視之

注顧君責己以視人欲以見就爲解也古者士大夫通曰子

疏經傳釋詞云也猶邪也歟也乎也子大夫也爲問辭也當作邪讀繫辭夫易何爲者也詩旄何多日也士昏禮敢不從也禮曲禮奈何去社稷也皆當如邪義接如也讀亦通

○**注**顧君至解也○校勘記云毛本君誤人按見就或云當作就見非也孔疏云過朝以示人令人懼己卽本此君責己以視人立義靈公欲以視人適趙盾問故因欲卽其來見時

就而解之也○注古者至曰子○穀梁宣十年傳其曰了尊
之也注子者人之貴稱詩王風大車畏子不敢箋云子者稱
所尊敬之辭按左傳穀梁並趙盾就而視之則赫然死人也
云子爲正卿明稱大夫辭也

注赫然已支解之貌疏注赫然至之貌○經義述聞云疏不
說文赫裂也从手亦聲積漢書禮儀志逐疫辭曰赫汝軀拉

汝軀節解汝肉抽汝腸肺是分裂謂之赫後漢時猶有此語
也按廣雅釋詁亦云抹裂也莊子養生主云動刀甚微謔然

已解謔與抹亦同公羊問答曰後漢禮儀志黃門令奏曰佺
子備請逐疫於是中黃門倡佺子和曰凡使十二神追惡凶

赫女軀拉女軀云云故何以赫然爲又解貌也支解之法古
無此刑韓詩外傳曰晏子左手持頭右手磨刀仰而問曰

古者明王每支解人不識從何始也景公離席曰縱之罪在
寡人此可證爲衰世之淫刑趙盾曰是何也曰膳宰也注主

宰割殺膳者若今大官宰人疏注主宰至宰人○禮燕禮云

天子曰膳夫掌君之飲食膳羞者也疏天子有宰夫兼有膳
夫諸侯亦有宰夫復有膳宰膳夫卑於宰夫天子宰夫下大

夫膳夫上土也春秋時侯國不載此事曰蕢也宰夫也此傳
傳昭四年稱膳宰屠蒯而檀弓載此事曰蕢也宰夫也此傳

稱膳宰而左傳稱宰夫為皆主殺膳烹割之事故稱雖不一其職同也周禮天官序官膳夫下有上士中士下士府史胥徒其屬又有庖人內外饗亨人等晉靈所殺亦不必即其長也孟子萬章稱伊尹以割烹要湯亦即膳宰之事何云若今大官宰人舉熊蹯不熟注蹯掌疏注蹯掌○國語楚語云願漢制以況也熊蹯而死注熊掌難熟孟子告子云也左傳文元年王請食熊蹯而死注熊掌難熟孟子告子云熊掌亦我所欲也此也說文采部獸足謂之番从采田象其掌蹯或从足从頃利古文番史記公怒以斗擊而殺之注擊注引服虔云蹯熊掌也其肉難熟公怒以斗擊而殺之注擊猶擊也擊謂旁擊頭項疏大戴禮保傳云大宰持升而御戶求滋味者非正味則大宰停斗而言曰不敢以待王子說文斗味魁羹斗也蓋即靈公所用者亦可挹酒詩行葦云酌以大斗是也說文作料云勺也士冠禮注勺尊升所以斟酒彼升亦斗字之誤則羹斗其即今之羹勺與羹勺物微而得擊殺人者蓋靈公本意殺人盛怒之下隨手擊搏適當頭項虛怯處亦得致命也通義云斗料也保傳記曰太宰荷斗而不敢煎調是其物也○注擊猶至頭項○孔氏音義云擊音擊擊音擊字或作撒莊子曰撒以馬捶按廣雅釋詁擊擊也王氏疏證云上文已有擊字此擊字當作擊玉篇擊擊兒公羊注擊猶擊也擊謂旁擊頭項廣韻引蒼頡篇擊也擊擊並

音五交反支解將使我棄之疏左傳云宰夫臚熊蹯不熟殺

其義同也晉世家宰夫臚熊蹯不熟靈公怒殺宰夫使婦人載以過朝

棄之繁露王道云晉靈行無禮處臺上彈羣臣枝解宰人而

棄趙盾曰嘻趨而入疏左傳趙盾士季見其手問其故而忠

也會請先不入則子繼之三進及留晉世家趙盾隨會前數

諫不聽已又見死人手二人前諫嘻者閔二年慶父問之曰

嘻注嘻發痛語首之聲史記蘭相如傳秦王與羣臣相視

而嘻注嘻驚而怒之辭也檀弓夫子曰嘻注嘻悲恨之聲

公望見趙盾愬而再拜注愬者驚貌禮臣拜然後君答拜靈

公先拜者畜出盾入知其欲諫欲以敬拒之使不復言也禮

夫子為三公下階卿前席大夫與席士式几疏注愬者驚貌

諫如愬愬終吉之愬又何焯云愬即自愬膳宰之事與舊讀

異按孔讀是也廣韻山責切易釋文亦音山革反子夏傳云

恐懼貌馬本作號號音許逆反云恐懼貌也呂氏易音訓引

此注作驚愕也晁氏曰愬號觀三字同音色何焯解非○注

禮臣至言也○禮士相見禮士大夫則奠摯再拜稽首君答

一拜賈疏君答一拜當作空首九拜中奇拜是也曲禮云君

公羊慶流四十五

于士不答拜也。士相見禮答一拜爲其始見。則君於大夫以
己雖非始見亦答拜。可知周禮士師職王曰視朝孤卿特揖
諸侯亦宜然。盾爲卿禮止特揖靈公見之而驚失其常度故
爲之再拜也。左傳載靈公語曰吾知過矣將改之。明自知其
過故先拜以拒之也。惠氏士奇禮說云特揖者奇拜奇猶特
也。特揖爲奇拜則旅揖爲再拜與三孤六卿奇拜二十七次
夫再拜八十一元士三拜所爲禮以少爲貴也。按靈公再拜
自與彼旅揖異。○注禮天至式凡○舊疏以爲春秋說文惠
氏禮說云此坐朝之禮燕享則行之。王享諸侯乘車送迎燕
禮賓入及庭公降一等而揖焉。則有下階之禮。凡大朝覲大
享射及封國命諸侯皆設席若路門視朝朝君臣皆立未聞設
席亦不下階。孔子見哀公問儒行蓋燕朝也。路門內之朝太
僕掌之。故曰更僕更僕者久立將倦太僕二人相代爲更於
是爲孔子布席於堂而與之坐焉。此古禮也。及秦而亡漢禮
皇帝見三公御坐爲起在與爲下雖有是禮亦不常行。呂氏
春秋桓公朝揖管仲而進之所謂特揖也。入及庭而未就位
之以爲上客所謂君爲臣下階者此也。趙盾逡巡北面再
拜稽首。注頭至地曰稽首。頭至手曰拜。手疏公羊問答云逡
秦紀引賈生云九國之師逡巡遁逃而不放進廣雅逡巡卻
退也有作逡遁者爾雅逡遁也管子桓公蹴然逡遁鄉射禮

注少退少逸遁也。有作巡遁者。晏子巡遁而對。有作逸遁者。漢書萬章傳。逸遁。循甚懼。有作蹲循者。莊子蹲循。勿爭。有作遵循者。循者。靈樞經。黃帝避席。遵循而卻。亢倉子。荆君北面。遵循此。皆逸巡之。段借字也。逸又與俊通。王莽傳。俊。隆約以矯世。俗顏師古。俊音千句反。退也。遁與巡通。遁。甲開山圖。太元經。云。巡乘六甲。要皆聲音相同字異。而義不異也。集韻。逸巡。行不前也。逸遁。均七倫反。音義則一。可證。按小爾雅。廣義。倅。慙。曰。逸爾雅。釋言。逸退也。注。逸巡。卻去也。文選。注。引。廣雅。逸巡。卻退也。趙盾見靈公再拜。慙而不敢進。故曰。逸巡。班固。東都賦。西都賓。矍然失容。逸巡降階。悚然意下。捧手欲辭。猶此義也。左傳。稽首而對。曰。人誰無過。過而能改。善莫大焉。云云。不言再拜。省文也。○注。頭至至拜手。○周禮。大祝。一曰稽首。三曰空首。注。稽首。拜頭至地也。空首。拜首拜頭至手。所謂拜手。疏。稽首。拜中。最重。臣拜君之拜。空首。拜者。君答臣下拜。郊特牲。曰。大夫之臣。不稽首。非尊家臣以辟君也。如是。諸侯於天子。臣於君。稽首。禮之正。段氏玉裁說。文注云。九拜以前三拜為體。後六者為用。凡經言拜手。言拜皆周禮之空首。手部。擗字下。云。首至手何。注。公羊。頭至手。曰拜。手皆與周禮。空首。注。台。凡經言稽首。小篆作。稽。古文作。覓。經傳無異稱。何注。公羊。頭至地。曰稽首。與周禮注。台。頭至手者。拱手而頭至手。頭與手俱齊。心不至地。故曰空首。若稽首。頓首。向急遽。稽首者。吉禮也。頓頭亦皆至地。而稽首。向稽遲頓。首向急遽。稽首者。吉禮也。頓

首者凶禮也空首者吉凶所同之禮也經傳立文凡單言拜及下屬稱頌稽首也經於吉賓嘉曰稽首未有言頓首者也按段空首而稽首為臣見君之禮書洛誥周公拜手稽首哀十七說甚明稽首為臣見君之禮書洛誥周公拜手稽首哀十七年左傳孟武伯曰非天子寡君無所稽首又襄三年左傳公如晉公稽首武伯曰天子寡君無所稽首又襄三年左傳公四年申包胥請師于秦九頓首而坐文七趨而出注本欲諫年穆嬴頓首於宣子皆事之急遽者也

君君以拜謝知己意冥當覺悟故出疏注本欲至故出○校

閻監毛本龔作龔鄂本悟作膳按注下注云非所以意悟用悟字成七年注云重錄魯不覺寤用寤字蓋覺寤字當作寤猶人寐而覺悟也按左傳亦謂靈公知盾欲諫已先以靈公心吾知所過見拒故宣子稽首以補過義將順之也

作焉注作慙貌慙盾知己過疏注作慙至己過○論語憲問慙焉廣雅釋詁作慙也禮記曲禮容無作注作慙色變焉即慙貌也亦作慙大元經上隋天不慙注慙慙也說文心部作慙也左傳云宣子驟諫欲殺之於是使勇士某者往殺之注

公患之患由慙心焉

某者本有姓字記傳者失之疏注某者至失之○廣雅釋詁某名也言以某名其人也記

者忘其姓字多以某字該之左傳云使鉏麇賊之注鉏麇晉力士晉世家靈公患之使鉏麇刺趙盾注引賈逵曰鉏麇晉士勇士入其大門則無人門焉者入其閨則無人閨焉者注

焉者於也是無人於閨門守視者也疏校勘記云唐石經諸

作焉門者下當作焉閨者故注云焉者於也是無人於門閨

守視者也今本誤倒通義云謹案守門曰門守閨曰閨猶漢

書云詔戶者無得入羣臣亦守戶曰戶也按如孔說亦是並

無須倒二焉在上矣詩伐檀疏引此傳則無人焉晚門者二

字亦焉字在上與段義合○注焉者至者也○焉於雙聲孟

子盡心人莫大焉亡親戚君臣上下謂莫大於亡親戚君臣

上下也哀十七年左傳裔焉大國裔訓為邊謂邊於大國也

然則卿大夫家大門內即至閨門與蓋閨門門之小者凡在

內之門皆視上其堂則無人焉注但言焉絕語辭堂不設守

大門為小爾

闕人故不言堂焉者疏注但言至焉者○校勘記出故不言

焉堂者經傳釋詞云今本正文作則無人門焉者則無人閨

焉者注中焉堂者亦作堂焉者皆後人不曉文義而妄改之

也蓋用段氏說盧氏文昭鍾山札記云下句注當此故不言

二讀皆可通玉篇焉語已之俯而闕其戶注俯挽頭戶室戶

辭也故云但言焉絕語辭

疏注俯挽頭○校勘記云闕監毛本同誤也鄂本挽作倅當

賦伏櫺檻而頽聽注頽低頭也禮記曲禮俯而納履注俯倅

也考工記矢人前弱則倅注倅低也說文頁部倅低頭也太

史卜書頽仰字如此楊雄曰人面頽○注戶室戶○一切經

音義引字書一扇曰戶兩扇曰門又在於堂室曰戶○在一切

區域曰門禮聘禮設于戶西陳注戶室戶也凡由堂入室

曰戶凡五架之屋棟北柵下為三間中為室東西為房房之

南壁止一戶室則有戶有闔戶在東闔在西戶西闔東為正

中爾雅所謂戶闔之間謂之展是也鄭氏謂大夫士東房西

室若如彼說則方食魚飧疏詩魏風伐檀云不素飧兮箋云

戶在中之西矣方食魚飧疏飧讀如魚飧之飧正義說文飧

水澆飯也从夕食言人旦則食飯飯不可停故夕則思飧是

飧為飯之別名按說文食部飧餽也从夕食舖申時食也無

水澆飯語段注云小雅傳孰食曰饗魏風傳孰食曰飧然則

饗於皆為孰食文錯見也其實對文異散則通此為趙盾將朝

飧不言孰互文錯見也其對文異散則通此為趙盾將朝

時固非夕食左傳僖二十三年僖負羈饋盤飧倍二十五年

左傳趙衰以壺飧從皆不必夕時渾言之也故周禮司勇士

儀注小禮曰飧掌客上公飧五牢則又何必皆孰食矣勇士

曰嘻

疏此嘻當為驚訝聲與上趙盾曰嘻小異

子誠仁人也吾入子之大門則

無人焉入子之閭則無人焉上子之堂則無人焉是子之易

也

注易猶省也疏注易猶簡也簡省義近考工記玉人注易

行去煩苛是亦簡省之意易繫辭傳辭有險易王

注云之泰則其辭易之否則其辭險亦平易之意子為晉國

重卿而食魚殮是子之儉也

疏詩召南羔羊云退食自公箋云退食謂減膳也正與序節

儉義相足故趙盾食魚殮亦即儉也

晉世家云盾閭門閉居處節謂此君將使我殺子吾不忍

殺子也雖然吾亦不可復見吾君矣

注負君命也疏命也

晉世家鉏麇退歎曰殺忠臣棄君命罪一也左傳晨往寢門

闢矣盛服將朝尚早坐而假寐麇退歎而言曰不忘恭敬民

之主也賊民之主不忠弃君之命不信有遂刎頸而死

注勇士自斷頭也傳極道此者明約儉之術也甚於重門擊柝孔

子曰禮與其奢也甯儉此之謂也

疏左傳記鉏麇觸槐而死呂

覽過理篇云觸庭槐而死國語晉語云觸庭之槐而死皆與此異韋注晉語以槐為晉外朝之樹又與杜注槐為趙盾庭樹異所聞各異要皆為勇士自死也○注傳極至擊柝○校勘記云鄂本無也字當刪重門擊柝易繫辭下傳文彼云以待暴客此儉約之衛勇士自死故甚之也後漢書杜林傳趙孟懷忠匹夫成其仁是也○注孔子至謂也○校勘記出此而謂也云閩監毛本同誤也○鄂本而靈公聞之怒滋欲殺之作之當據正孔子曰見論語八份篇靈公聞之怒滋欲殺之甚注滋猶益也疏注滋猶益也○襄八年左傳滋事無成注滋益也小爾雅廣詁滋益也說文水部滋益眾莫可使往者於是伏甲于宮中召趙盾而食之疏左傳云晉侯飲趙盾酒伏甲將攻之晉世家趙盾之車右祁彌明者國晉靈公飲趙盾酒伏甲皆攻盾之力士也注禮大夫駟乘有車右有御者疏左傳云其右提提本又作祗彼注云右車右本此晉世家作祁彌明祁即祗字與左傳釋文之義本合與祁字古音通祁从示聲也彌眈古亦通史記以此即桑下餓人又以為公宰與傳文皆不合○注禮大至御者○曲禮注車右勇力之士備制非常者君行則陪乘君式則下步行正義車行則有三人君在左僕人中央勇士在右也詩鄭風清人云左旋右抽鄭箋云左左人

謂御者右車右也周禮大僕云王出入則自左馭而前注
如今道引也道而居左白御不參乘辟王也亦有車右焉大
夫禮亦宜然鄭風箋所言係將所乘車將在中也其甲士之
車則左人持弓右人持矛中人御也與此平常乘車法不同
月令天子親載耒耜措之於參保介之御問保介謂車右也
置耒耜於御者車右之間御者在中也驂乘猶參乘也謂三
人共乘焉然則士以下無車右矣故子適衛乞然從乎趙盾
冉有僕問津夫子代子路執轡明止御者矣乞然從乎趙盾
而入注乞然壯勇貌疏然唐石經諸本同經義雜記云何注乞
聲周書曰乞然勇夫此何義也鄉飲酒禮賓西階上疑立注
疑讀為疑然從於趙盾之疑疑正立自定之貌則鄭所據公
羊乞然作疑然乃立定之貌不取勇壯義蓋嚴顏之異注疏
本改同何本誤也釋文疑立魚乞反不為乞字作音知陸本
作疑然臧氏所據儀禮係單注舊本與朱子經傳通解李氏
集釋同毛本本作疑然立自定之貌賈氏鄉射禮疏引作正
立臧氏據改士昏禮婦疑立於席西注亦云疑正立自定之
貌可證鄉射禮疑立疏引鄉飲酒禮注作疑此疏反作代者
蓋因賈引公羊傳後人因據以私改耳按鄭引此傳平作於
亦異○注乞然壯勇貌○廣雅釋詁乞然鄭引此傳平作於
皇矣云崇墉乞然壯勇貌乞然高大也書秦放乎堂下而立注
誓云乞然壯勇夫孔疏乞然壯勇之夫

靈公復欲殺盾故入以為意禮器記曰天子堂高九尺諸侯

七尺大夫五尺士三尺疏周禮天官食醫云凡君子之食恆

海注放至也謂至平堂下或依平堂下而立也○注嫌靈至

為意○晉世家云肅明知之左傳亦云提彌明知之○注

禮器至三尺○禮器正義天子之堂九尺此周法也白虎通

天子之堂高九尺天子尊故極陽之數九尺也堂之為言明

也所以明禮義也禮記曰天子之堂九尺諸侯七尺大夫五

尺士三尺然則每堂一尺為階一等故士冠禮云賓降三等

下至地也此為士三尺階三等之證賈誼治安策云人主之

尊譬如堂羣臣如陛眾庶如地故陸九級說文陸升高階也

玉篇天子階也天子九級辭綜注東京賦云殿高九尺階九

齒彼述天子之禮則諸侯以下七齒五齒三齒亦應與堂高

相應矣庶人之禮雖不見禮趙盾已食靈公謂盾曰吾聞子

以士三尺差之當一尺與之劍蓋利劍也子以示我吾將觀焉注授君劍拔而進其

首靈公因欲以進殺之疏劍者左首注左首尊也正義進言

進授與人時也首劍拊環也少儀云澤劍首注澤弄也又云

刀卻刃授穎注穎銀也是進刀劍皆以首銀授人不以刃授

人敬也左傳定十年叔孫之圉人欲殺公若僞不解禮而授
劍未杜云以劍鋒末授之是也蓋公欲於盾進劍時卽拔劍
首以劍末趙盾起將進劍祁彌明自下呼之曰盾食飽則出
刺之也

何故拔劍於君所疏通義云斥呼盾名君前臣名也左傳云

也晉世家示昧明恐盾醉不能起而進趙盾知之注由人曰

日君賜臣觴三行可以罷皆與此舉趙盾知之注由人曰

知之自己已知日覺焉疏晉世家云趙盾令先丹及難○注由

又淮南修務訓七年而後知注並云知猶覺也對文異散則

通舊疏云由人日知之此文是也自己知日覺者卽昭三十

一年傳叔術覺焉日嘻踏階而走注踏猶超遽不暇以次疏

此誠爾國也夫是也

校勘記云唐石經諸本同釋文踏與躡同一本作是音同經

義雜記日說文走乍行乍止也从辵从止讀若春秋公羊傳

日走階而走釋文謂一本作是與說文正合則古本公羊作

是階矣公食大夫禮賓栗階升注不拾級連步趨主國君之

命不拾級而下日走公羊傳文當本作是義當如禮經注何

邵公與鄭義同較之說文乍行乍止之訓更密也集韻十入

藥踏下引此傳文又云或作躡葉鈔釋文躡作躡誤玉篇躡

虔注作跳云徒跳也今杜注本往往作跳者盧文弨云服本是也襄三年傳晉悼公懼魏絳之死亦跳而出皆是急迫不及納屨使然按與此注超遠義亦合○注露猶至以次○釋文遠作劇其據反本亦作述公羊問答云左傳距躍三百注超越也疏距地向前三跳而越物過也說文作超距史記王翦傳方投石超距索隱曰超距猶跳躍也漢書甘延壽傳投石拔距張晏曰拔距超距也然則超遠猶超距不暇如常降階也燕禮疏云凡升階之法有四等連步一也栗階二也歷階三也歷階謂從下至上皆越等無連步若禮記檀弓云杜賁入寢歷階而升是也越階四也越階謂左右足越三等若公羊傳云趙盾避靈公階而走是也通義云升降階之法拾級聚足者正也施於所尊以疾為敬則有栗階栗階者始發猶連步將進階二等然後散升若其事有急遽則始終散等升則曰歷階降則曰階皆非禮之常矣讀書叢錄云依何注疏越階謂左右足越三等若公羊傳趙盾階而走說文無記疏越階謂左右足越三等若公羊傳趙盾階而走說文無靖字是乍行乍止讀若公羊傳是階而走與階字義同廣雅釋訓躊躇猶豫也猶豫即說文所謂乍行乍止釋文所謂踞也按洪說非是何義自與說文不同此時趙盾避禍疾逃安得尙乍行乍止且躊躇字與躊躇亦殊無容牽合為一釋名釋姿容云疾趨曰走走奏也促有所奏至也傳言走故注言不暇以次也燕禮所謂升降有四等亦未洽曲禮云拾級聚足

連步以上注拾當爲涉步等聚足謂前足躡一等後足從之
併又云連步謂足相隨不相過也此升降常法也外則栗階
禮燕禮記凡公所辭皆栗階公食大夫禮賓栗階升之屬是
也鄭注栗登也謂越等急趨君命也記又云凡栗階不遇二
等注其始升猶聚足連步越二等左右足各一發而升堂以
其應階越階皆禮經所無此傳之躡階更非行禮常法所謂
不暇以次者故有超距之象矣敖繼公謂越等而上曰栗階
下曰躡階亦強生分別耳凌氏廷堪禮經釋例云凡升階皆
連步唯公所辭則栗階考連步升堂升階常法猶之平敵相
拜也栗階於君辭則然猶之再拜稽首也見諸禮經唯此二
節是也栗階又名散等禮記雜記祭主人之升降散等執事
者亦散等雖虞附亦然鄭注散等栗階是也彼栗階爲略威
儀與燕禮以栗階爲敬又不同皆與躡階異栗階不過二等
栗猶應也如左足升一等則右足升二等左足升三等則右
足升四等閱應而上若靈公有周狗注周狗可以比周之狗
躡階或有過二等者矣靈公有周狗注周狗可以比周之狗
所指如意疏校勘記云唐石經諸本同何注云可以比周之
公有害狗謂之契也又宋本張華博物志晉靈公有害狗與
周形相近故文異害狗謂能害人之狗按郭注引作害蓋嚴
顏異文今本誤作善矣通義云周狗周地所出狗若言韓盧
宋狙矣○注周狗至如意○公羊問答云問犬能知人意乎

曰說文獒犬知人心可使者博物志作害狗字之誤也不可
從按序周禮廢興諸侯惡其害已舊本誤作周已鹽鐵論地
廣篇賊不害智亦誤作周智蓋周害形近容或有誤然害狗
周狗皆傳者所加自非靈公命名則俱無不可通蓋比周如
人意亦足謂之獒注犬四尺曰獒疏注犬四尺曰獒○爾雅
害人也氏釋文引尚書傳獒犬犬也廣雅疏證凡物之高大者皆謂
之放山高犬者曰放山犬高大者為獒犬說文獒犬知人心
可使者書序西旅獻獒孔傳西戎遠國貢犬犬呼獒而屬之疏左傳公獒夫獒焉釋
服虔云獒吸也公乃獒夫獒使之噬盾也晉世家盾既去靈
公伏士未會先縱獒狗名獒經義雜記云按釋文謂吸即獒
字吸讀若諷與吸聲相近故文義依正義則服本亦作獒但
訓獒為吸耳說文口部獒使犬聲引春秋傳曰公獒夫獒按
彼之獒即此之呼也方言秦晉冀隴謂使犬曰獒蓋方言
之殊與舊疏謂呼而指屬之今呼犬謂之屬義出於此
亦踏階而從之疏據此則踏階更非祁彌明逆而跋之注以
足逆彌曰跋疏注以足至曰跋○葉本釋文彌作跂文選東
曰跋也玉篇跋退也說文足部跂跋也史記蘇秦傳六博跂
跂者謂以足跂之為戲也亦作跂漢書霍去病傳去病尚穿

域闢鞠 絕其頤注頤口疏 注頤口 ○校勘記段氏玉裁云玉

是也 頤頤也段云此謂以足迎踢之送使斃之頤不能噬也方言

頤頤頤也南楚謂之頤秦晉謂之頤頤其通語也又云依方

言則緩言曰頤急言曰頤頤當讀如台也按頤於說文訓爲

面黃則無口義楊雄長楊賦猗猗樹頤注音始玉篇訓爲口

蓋卽本此左傳云明搏而殺 趙盾顧曰君之癸不若臣之癸

也疏晉世家盾曰棄人用狗雖猛何爲然不知明之爲陰德

也疏 晉世家盾曰棄人用犬雖猛何爲剛且出提彌明死之

注責公不養士而更以犬爲己用則 然而宮中甲鼓而起注

此傳所云君之癸不若臣之癸也 甲卽上所道伏甲約勒闢鼓聲當起殺盾疏經傳釋詞曰然

而轉者也猶言如是而也與僖三十三年傳然而甲起於琴如同義殺下何

戎要之殺而擊之定八年傳然而甲起於琴如同義殺下何

注云猶豫留住之 有起于甲中者抱趙盾而乘之注欲起疾

頃正合此傳義 走疏正以抱而乘之抱之上車也 據此則左傳遂扶而下宜

堂何須云遂跌而下不知下者不必專指下階凡退出階庭而門皆謂之下也○注欲趨疾走○校勘記出欲趨云鄂本同閻監毛本越作趙盾顧曰吾何以得此于子注猶曰吾何趨按紹熙本作趙趙盾顧曰吾何以得此于子

以得此救急之恩於子邪非所以意悟疏晉世家示昧明反

士不能進而竟脫盾盾問其故曰我桑下餓人左傳既而與

爲公介倒戟以禦公徒而免之問何故對曰翳桑之餓人也

與公羊合惟史記謂即昧明異注曰子某時所食活我于暴

非所以意悟者猶言非所意悟也

桑下者也注某時者記傳者失之暴桑蒲蘇桑傳道此者明

人當素積恩德疏晉世家初盾常田首山見桑下有餓人盾

之存不願遺母盾義之益與之飯肉左傳初宣子田於首山

舍於翳桑見靈輒餓問其病曰不食三日矣食之舍其牛問

之曰宣三年矣未知母之存否今近焉請以遺之使盡之而

爲之箝食與肉靈諸棄以與之呂覽報更篇趙宣孟見執桑

之餓人爲之下食而饋之與脯一胸拜受而不敢食曰日與

老母將以遺之宣孟曰食之吾更與汝乃復賜之脯二束與

錢百而遂去之晉靈公欲殺宣孟伏士以待因發酒宣孟宣

孟知之中飲而出靈公令房中之士疾追殺之一人追先及

口君羅吾詩爲君反死宣孟曰而名爲誰曰何以名爲臣飢
桑之餓人也還闕而死與左傳謂其亡去少異後漢書注引
呂覽曰昔趙孟將之絳見桑下有餓人宣孟止車下食而饋
之再咽而能視宣孟問之曰汝何爲而餓若是对曰臣宦於
絳歸而絕糧羞行乞故至於此宣子與脯三胸拜受而弗敢
食問其故曰臣有老母將以遺之宣孟曰吾更與汝乃復與
脯二束皆詳略互見○注暴桑蒲蘇桑○公羊問答云左氏
作翳桑杜注翳桑之多蔭翳者公羊作蒲蘇韓非子本枝扶
疏易林扶疏條桃長大茂盛潘尼桑樹賦上疏而參差是亦
多蔭翳之意扶蘇卽蒲蘇韓愈南山詩杉篁叱蒲蘇呂氏春
秋作散桑淮南子作委桑散古委字按爾雅釋詁叱劉暴樂
也注謂樹木葉缺落蔭疏暴樂見詩考暴樂卽爆爆詩桑柔
將采其劉傳劉暴樂而希也箋云將采之則葉爆爆而疏彼
疏引爾雅作爆爆又引舍人曰毗劉爆爆之義也然則暴桑
者卽爆爆之桑爆爆爲稀疏不均之名故何氏訓爲蒲蘇蒲
蘇猶扶疏潘尼賦之上疏也吳氏經說云蒲蘇猶扶疏也然
則暴桑卽搏桑矣搏蒲暴桑皆一聲之轉大雅云鬱彼桑柔
柔古讀如揉左傳注桑之多翳蔭者意與此同按爾雅釋木
蔽者翳郭注樹蔭翳相覆蔽者詩曰其櫛其翳經義述聞大
自弊以下皆釋死木也蔽卽上文木自弊之蔽大雅皇矣正
義引此作弊者翳又引李巡曰弊死也釋言弊路也釋文弊
字作斃郭本作敝者借字耳皇矣傳自弊爲翳釋文弊或敝

襄二十七年左傳以誣道蔽諸侯釋文蔽服虔王肅董遇並
作弊云路也是弊弊並與蔽通翳讀曰殪皇矣篇其蓄其翳
釋文韓詩作殪後漢書光武紀注殪什也宣六年左傳使疾
其民以盈其貫將可殪也殪皆謂路斃之也作翳亦借字耳
周語是去其藏而歸其人也翳其人謂路斃其民也毛傳自
斃為翳雖與爾雅原文小異而其為路木則同若云樹蔭翳
相覆蔽則是相覆蔽之本而非路木與上二句全不相應矣
然則左氏之翳桑亦為桑之路斃者與此暴桑正同故何氏
以為蒲蘇桑也水經注雷首山北去蒲阪三十里一統志雷
首山在蒲州永濟縣南四十五里哺飢阪在絳州北六里即
食翳桑餓人處○注傳道至恩德○說苑復恩篇述此事云
故惠君子君子得其福惠小人小人盡其力夫德一人活其
身而況置惠於萬人乎故曰德無細怨無小豈可無樹德而
除怨務利於人哉利施者福報怨往者禍來形於內者應於
外不可不慎也此書之所謂德無小者也後漢書崔駰傳達
旨云宣孟收德于東廂淮南繆稱訓倍負羈以帝餐其間
趙宣孟以束脯免其驅禮不隆而德有餘趙盾曰子名為誰
人心之感恩接而惜世生故其人人深

〔注〕後欲報之疏

左傳云問其名居

曰吾君孰為介〔注〕介甲

也猶曰我晉君誰為與此甲兵豈不為盾乎

〔疏〕

〔注〕介甲也○詩鄭風清人

云驪介彭彭傳介甲也大雅瞻卬云舍爾介狄箋云介甲也釋名釋兵甲云甲亦曰介史記衛世家太子與五人介注引賈逵云介子之乘矣何問吾名注之乘即上車也猶曰已上被甲也

車矣何不疾去而反徐問吾名乎欲令蚤免去不望報也疏

注之乘至報也○校勘記出子以上車矣曰鄂本以作已又出不望報矣云鄂本矣作也紹熙本亦作已左傳不告而退遂自亡也注不望報也史記注引服虔注同晉世家亦云弗告說苑復恩篇與呂覽所記大同亦云宣孟曰子名爲誰及是日對曰何以名爲然趙盾驅而出眾無留之者注明盾賢不若此傳所對之詳

人不忍殺也且靈公無道民眾不悅以致見殺疏晉世家云

而出驪車而出也○注明盾至見殺○鄂本悅作說紹熙本同下傳民眾不悅亦同繁露滅國上云晉趙盾一夫之士也無尺寸之士無一介之眾也而靈公據伯主之餘尊而欲誅之窮變極詐詐盡爲竭禍大及身推盾之心戴小國之位孰能亡之哉盾爲賢人者左傳云趙宣子古之良大夫也晉世家云趙盾素貴得民和靈公少侈民不附故爲弑易是也

趙穿緣民眾不悅起弑靈公疏史記十二諸侯年表趙穿殺

殺靈公於桃園注虞翻曰園名也左傳趙穿攻靈公於桃園
釋文攻本或作弑北堂書鈔引作繁靈公燕即殺字殺亦音弑
釋文信九年左傳可證繁露王道云晉靈行無禮處臺上
彈羣臣枝解宰人而棄及患趙盾之諫欲殺之卒爲趙穿所
殺是也釋文作然後迎趙盾而入與之立于朝注復大夫位
不說與鄂本同也即所謂復國不討賊明史得用責之傳極道此上事者明
君雖不君臣不可以不臣疏晉世家亦云而迎趙盾穀梁傳
還○注復大夫位也左傳宣子未出山而復蓋即復大夫
位晉世家亦云盾復位家語正論作未及山而還杜云晉竟
之山按晉語陽處父及山而還韋注山河內溫山也是時晉
已敗南陽竟及于河未及山即所謂亡不越竟也杜注殊混
晉世家亦云未出竟公羊以盾之罪在復不討賊其出竟與
否不及記也○注即所至責之○即上傳曰史曰衛爲仁爲
義人執爾君而復國不討賊此非弑君如何是也○注傳極
至不臣○正以穿爲盾宗盾出穿弑穿弑盾反而自反其位
處穿如常是時成公未立盾之復位誰實使之其不臣之跡
顯而易見故注極言臣不可不臣以責之也通義云晉侵于
子之邑而穿爲之主將是其人素有無君之心必以犯天子
爲可者也請侯可以犯天子大夫可以犯諸侯曾子曰出乎

爾者反乎爾者也故卒至於手刃其君噫上之所以率下者可不慎與孔氏之論極正而左傳韓獻子猶曰宣孟之忠則當時已無真是非董狐所以為良史也然左傳謂趙宣子為法受惡亦非孔子語而立成公黑臀注不書者明以惡夷獯猶不書剽立疏左傳云趙宣子使趙穿之注黑臀晉文公子晉世家云趙盾使趙穿迎襄公弟黑臀于周而立之是為成公成公者文公少子其母周女也國語周語單襄公曰吾聞成公之生也其母夢神規其臀以黑曰使有晉國故命之曰黑臀按晉文不應娶周女蓋周大夫女也○注不書至剽立○剽立者以惡衛侯矣注云欲起衛侯為不言剽之立不言剽之立者以惡衛侯矣注云欲起衛侯失單出奔故不書剽立剽立無惡則衛侯惡明矣正以不書黑臀立亦以起夷獯之無道也通義云不當立不書者已從立晉託始見法何氏云以惡夷獯猶不書剽立非也君弑自必立嗣君與衛有衍剽二君者異不當推彼解此按衛完見弑亦必立嗣春秋何以書晉立以見篡正夷獯失道前後不見故於不書黑臀起之

夏四月

秋八月蠅注

先是宣公伐莒取向公比如齊所致疏注先是至

向事在上四年公比如齊卽上四年秋公如齊五年春又如齊是也五行志中之下宜公六年八月冬劉向以爲先是宜伐莒向後比再如齊謀伐萊

冬十月

皇清經解續編卷千二百三十三終

昭文孫同康參校
子汝恭校字